

თეიმურაზ  
ჯანგულაშვილი

ქოთხია  
საყუყუბს  
გადასახიბს

გამომცემლობა  
„ნაბჰოთა საქართველო“  
თბილისი  
1965

Г 2  
899,962.1—1  
ჯ 209

თეიმურაზ ჯანგულაშვილის წიგნში წარმოდგენილია პოეტის მიერ ოცდახუთი წლის მანძილზე დაწერილი ლექსების ნაწილი. ლექსები ამოკრეფილია კრებულებიდან „ცხრაასორმოცდახუთი“, „ბალადა მიწის გაცოცხლებისა“, „მაისი ოდერზე“, „ლექსები“ „თბილისის დილა“, „ერთი წლის ლექსები“, „გზა, რა გზა“, „შუადღე“, „ცხრაასამოცდაორის ჩანაწერები“. კრებულში იბეჭდება აგრეთვე ახალი ლექსები.

პოეტი ადიდებს სამამულო ომის თავდადებულ მებრძოლებს და შრომის სახელოვან გმირებს, ყამირისა და კოსმოსის დამპყრობ საბჭოთა ადამიანებს, ჩვენს ბედნიერ ახალგაზრდობას.



\* \* \*

რა ჩენი საქმეა, ვინ მოიგონა ქვეყნად სიკვდილი,  
ეს ზღაპარია ძველისძველი და უცნაური,  
მე სიყვარულით ვარ ფერმიხდილი  
და გულში ბორგავს ღელვა ზღვაური.

ლამაზო, ყურსაც ნუ ათხოვებ ამ ზღაპარს დიადს,  
ჩვენ ვცოცხლობთ! ვცოცხლობთ!—გწამდეს მხოლოდ ეს!  
სიყვარულსაც ხომ სიცოცხლე ჰქვია—  
და ის ბოლომდე თან გაგეყოლოდეს.

1940

\* \* \*

მო, ყური უგდე რას ჩურჩულებს გული პატარა,  
მე ხომ შიგ ტრფობის ჟრუანტელი დავაბინავე...  
აქოჩრილ დელვამ ნაფოტივით სად არ მატარა  
და აი, ახლა,

მე შენს გულთან  
დავაბი ნავი.

1940.

## ფანდურები

შრიალთ რომ ირხევიან, მოფარფატე პეპლებია,  
ეს პატარა ფანტელები, ციდან ჩამოფანტულები,  
თოვლი დაბლა ჩამოყრილა და ცივ თოვლსაც მზე ხლე-  
ბია,  
გულში ლხენა ჩამოღვრილა.—წკრიალებენ ფანდურები.

შენს შავ თვალებს, ლამაზ თვალებს მე ველარსად და-  
ვემალე,  
წყნარად მიხვალ, შემოგხედავ ალერსით და დამღურებით,  
თოვლი თავზე გეხურება, შეგითეთრდა თავი მალი,  
ყური უგდე, გეყურება?—წკრიალებენ ფანდურები.

გაზაფხულის ყვავილნარში ხარ ყაყაჩოს გაცინება.  
ფარფატებენ ფანტელები, ციდან ჩამოფანტულები,  
ალალ გულით რაც ინებო, წმინდა გულით რაც ინებო  
ის სურვილი გაგიცისკრდეს!—წკრიალებენ ფანდურები.

ჩვენს გულებში სალი გრძნობის რა უღევი მადნებია,  
სიხარულის ხეივნებში ვყვავით გზამოვარდულები,  
ფანტელები თუ გკოცნიან და ლოყებზე გადნებიან,  
მე რა დამიშავებია?!—წკრიალებენ ფანდურები.

## გაფრთხილება

გული მომტაცე? — ო, ლამაზმანო,  
დაე, შენ გქონდეს და შენ გებაროს.  
მე ყოველლამე შენ მეზმანები  
მაისის ღამის ნაოცნებარო.

გული მომტაცე? — ამიერიდან  
შენ გქონდეს, რადგან მის ღელვას სძლიე,  
მაგრამ ანთია შიგ ცეცხლი ძლიერ  
და არ გადაგწვას — მაინც ერიდე.

1941

## სამშობლოსადმი

ბატონიშვილ ერეკლესა  
ირმის ძუძუ უწოვნია,  
წყალნი უსვამს ალგეთისა,  
თრიალეთზე უძოვნია.

ხ ა ლ ხ უ რ ი.

არ მიწოვნია ძუძუ ირმისა,  
ყმაწვილს არც ჯაჭვის პერანგი მეცვა,  
მაგრამ მზის სხივით გულმოსირმული  
გმირ წინაპართა მოდგმისა მეც ვარ.

მკერდში მეომრის გული მეც მიცემს,  
ჩანჩქერს ჰგავს, კლდეზე გადმოდინებულს  
და თუ რამე მაქვს, ყველაფერს მივცემ,  
სამშობლომ ჩემმა ოლონდ ინებოს.

სამშობლომ ჩემმა ოლონდ ინებოს  
ბედნიერება ჩემთვის ამდენი!  
მიწას მშობლიურს, მზეს გაცინებულს  
მე შევლალადებ ამ ჟრუანტელით.

მეც მსურს ვიბრძოდე ძალგულოვანი,  
ისე ვით ჩვენს დიდ წინაპრებს სწამდათ.  
შერცხვეს სიცოცხლე ათასწლოვანი  
სამშობლოსათვის სიკვდილის წამთან.  
არ შემისვია ალგეთის წყალი,  
ყმაწვილს არც ჯაჭვის პერანგი მეცვა,  
მომგვართ რაში, მომეცით ხმალი!—  
სამშობლოსათვის მებრძოლი მეც ვარ.

ივნისი, 1941



\* \* \*

თასი უფრო მალლა ასწით, დამილოცეთ გზა,  
და მარჯვენაც დამილოცეთ,—მტერს ჰკათავდეს მძლედ,  
რომ სიმღერა ვაჟკაცური წინ მიძლოდეს მზედ.  
...და თუ მტერმა შემიღება მკერდი სისხლის ფრად,  
თუ დავეცე, არ მიტიროთ, არ ჩამთვალოთ მკვდრად!  
მადლეგრძელეთ!..  
მე სამშობლო გულს მივსებდა მზით,  
რაც გიყვარდა, მისთვის მოჰკვდი და კვლავ სცოცხლობ! —  
სთქვით.

1942

## ზრ(ა)ხ(ი)ს შპ(ა)ბ(ა)რ(ი)

ცა პირს იკაწრავს, ტყვია კვლავ წივის  
და დედამიწა რისხვით გრიალებს.  
წევს ნატყვიარი გმირი არწივი,  
გოგონა ფრთხილად უხვევს იარებს.

ფიქრობს ყვაველი ჰქონდეს ზღაპრული,  
რომ განუკურნოს წამსვე იარა,  
ანდა ნეტავი ტყვია მზაკვრული  
მას მოხვედროდა, ვაჟკაცს კი არა.

1943

## მ ი ს ლ ა ჯ ე

ეს სისხლიანი ტალღები ფართე  
ვარსკვლავებდაყრილ ფარებსა ჰგევანან,  
ცხრამთას იქიდან წამოსულ ქართველს  
სხვა სიამაყე მინდოდა განა?!

ო, რა შორს დარჩა თერგი და ღონი! —  
მუხლში, მაჯაში ძალამ იათა,  
სიამოვნება ასეთი, მგონი,  
გამომიცდია მე იშვიათად.

შეგჩერდით, დავწვდით,  
პეშვით, კასკებით  
ოფლიან მკერდზე შევისხით წყალი  
და ეს როდია უკანასკნელი —  
გადავალაჯებთ შპრეესაც მალე.

ცეცხლი ეღება ცას ჩამელნებულს,  
გრგვინვით მისდევენ წამები წამებს,  
ციმბირისა და ღონის მერნები  
ლალი ფრუტუნით ვისლის წყალს სვამენ.

## რამ მოგიყვანა

შიწყნარდა ირგვლივ ყოველივე. ქარი კი არა,  
მიწურის კარებს შემოაღებს თვალებცქრიალა  
სოფლელი ბიჭი.

დგება კართანვე, გაკვირვებულ თვალებით მიმზერს  
და მერცხალივით შემომჯდარი შაშხანის ქიმზე  
ოცნება იწვის.

— რამ მოგიყვანა და რა მუხლმა გადმოგატარა  
ამდენი სივრცე, ფეხშიშველა ბავშვობავ ჩემო,  
ქართული ცის ქვეშ მოცქრიალე ბავშვობავ ჩემო...

ხომ არ დაეძებ ჩიტის ბუდეს, ჩემო პატარავ,  
ან თუ გამოჰყევ შავი შაშვის ბარტყს დასაჭერად  
და ჯოხის ცხენმა გადმოგატარა...

უბეში ფრთხილად შეინახავს შურდულს არსენა,  
მოვა, ღიმილით მომისინჯავს მკლავს და მარჯვენას.

როდღი მოსულა მორიდებით, კრძალვით და კდემით,—  
მეომარ ვაჟკაცს მკლავს მისინჯავს ბავშვობა ჩემი.

## მსტოვარი

ზეცას ჟღლის როგორც ქორი,  
მტრის მფრინავი—ლამის შვილი,  
არყებსა და ნაძვებს შორის  
სიზმარივით მიდის ჩრდილი.  
აკრთობს ფოთლის შარიშურიც,  
მიდის, როგორც შერისხული,  
არყებსა და ნაძვებს შორის  
ველია თუ ხელის გული.  
მგლის თათებზე დგება ხმელი  
ტოტისა და ფოთლის გროვა;  
ჩრდილმა ასანთს გაჰკრა ხელი,  
ცას შეხედა — უკვე დროა.  
და ავარდა ცეცხლის ალი  
ნაძვებსა და არყებს შუა,  
ფეთქავს ღამე ძილგამკრთალი—  
დაქიმული ცხენის ძუა.  
არყებსა და ნაძვებს შორის  
ტყემ და ღამემ შთანთქა ჩრდილი...  
მაგრამ მიწას რკინის ქორი  
დაენარცხა დაბნედილი  
და მსტოვარის თბილი გვამი  
ქანაობდა ხეზე დილით.

1944

## ზაგსარის ჩახახატი

არც თბილი კერა შემოედგა,  
არც ბუხრის კვამლი კვლავინდებურად—  
ასახლებულა ხალხი ერთთავად  
და სახლებიც რომ ასახლებულან!..

გაკვირდა. შემდეგ ყალყზე დამდგარი  
შემოჰყვა ქარებს ფრთააფრიანებს  
და მბრძანებელის ტახტზე დამჯდარი  
ზამთარი შუშის თვალს აბრიალებს.

ცის ნაცრისფერად დახრილი კალთა  
შარაგზებს ქარის წივილით მისდევს  
და ნასოფლარის შესავალ კართან  
სწუხან ჯვარი და ჯვარცმული ქრისტე.

1944

## ბერლინისაკენ ვიჩქარი—ვუახლოვდები თბილისს

ის შვინდისფერი საღამო, მწოლი ჭადრების ყდაში,  
ის ლელვიანი დღეები, ჩემი თბილისი და შენ...  
მშვიდობით... ჩამჩურჩულელებდი ნაზთა ბაგეთა თრთოლვით,  
გული თრთოდა და ლხვებოდა, როგორც აპრილის თოვლი.  
მე შენი სუნთქვა მესმოდა და გულისცემა ჩქარი,  
ამხელა ვაჟკაცს მმონებდი ასე პატარა ქალი.  
მშვიდობით!.. არ გავიხარო, გიღალატოო თუ მე,  
წადიო, გბანდეს ჭრილობას ჩემი ცრემლები ჩუმი.  
შევხვდით და მერე დავშორდით, იყო წუთები მძიმე,  
დავშორდი, რომ კვლავ შემოგვხვდე გამარჯვებულის ღიმილთ.  
და ბარდნის თოვლი იანვრის, გრძელია ზამთრის ღამე,  
ელი მოქანცულ თვალეებით ნეტარ შეხვედრის წამებს.  
მე ბერლინისკენ ვიჩქარი—ვუახლოვდები თბილისს,  
შორს მივალ, უფრო ახლოა ჩვენი შეხვედრა ტკბილი,  
ახლოა თვალი უცრემლო, ჩემი თბილისი და შენ  
და ეგ საღამოც—მიმქრალი ჩემს ლოდინსა და ცდაში.

1944

## ვინა თქვა თეთრიან თოვლი

ვინა თქვა, თეთრი არისო თოვლი,  
მე ეს ზღაპარი ვერ დამაჯეროთ.  
უკვე რამდენი გზაშარა მოველე  
და თეთრი თოვლი ვერ ვნახე ჯერაც.

მრისხანე დევთა ნაფეხურები,  
სისხლის, მიწის და ხორცის ნარევი...  
თავს გერმანული ცა გვეხურება,  
ძმებო, ნანატრი დაღვა დარები.

და დაფლეთილი ასად გვამები  
თოვლს შერევია ბრძოლების შემდეგ,  
უცქერი მტრის სისხლს და გვამება  
კაცს, ჩიტაც რომ არ მოგეკლა დღემდე.

იქნებ აქ მუდამ თოვს ვარდისფერად,  
თოვს სისხლისა და ლითონის თოვლი...  
უკვე რამდენი გზაშარა მოველე  
და თეთრი თოვლი ვერ ვნახე ჯერაც.

ვისმენ ფიფქების შემკრთალ შრიალში  
დიად სალუტის ხმას მოსკოვიდან.  
ჰე, ძმებო, გესმით?—გერმანიაში  
წელს უჩვეულო თოვლი მოვიდა.



## ოღერის გადავლახეთ

რუკაზე თითით ვხაზავდი მხოლოდ  
ვისლას, დუნაის, ნემანს და ოღერს,  
მეგობრა, მიწას არ ჰქონდა სოლო  
და უჩრუხველად დღეები ჰქროდნენ.

როგორ მეფიქრა მე, ყმაწვილ ქართველს,  
გიეი იორის ტალღებში მწოლი  
თუ ვიხილავდი ოღესმე ბრძოლით  
ამ ცას, ამ წყლებს და ამ მიწას ფართეს...

გამოვიქერით თებერვლის ღამით,  
აი ოღერის შავი ნაპირიც,  
მიწა ფერფლით და სისხლით ნაფერი,  
მტრის გაათრება, რისხვა და შხამი.

ოღერი ვრცელი... (დიდხანს მეყოფა  
ალბათ ეს ღამე გასახსენებლად).  
რა შემზარავი ხმებით მოყეფავს  
წყალი, ქცეული ცეცხლის ენებად.

პირველია თუ უკანასკნელი?—  
ვართ სიკვდილს მუდამ შეურიგალი,  
მკლავით, ნავებით, ფიცრით, კასრებით  
გადადიოდა ოღერს გრიგალი.

თენდება. ვძლიეთ და უკვე ბრძოლა  
ოდერის გაღმა ჰქუხს ვაჟკაცურად.  
... იმ ღამეს ლექსთა რვეულით მხოლოდ  
ბალტიისაკენ ჩანთამ გაცურა.

1945

## რა მათბობდა

თოვლზე ვწევარ. ფაფუკი და შრილა  
მკერდზე ფიფქი დამფენია რამდენი.  
ო, ეს არის, მწუხარება კი არა,  
სიხარულის შორი შარაფანდელი.

თოვს და ცივა. დილა კიდევ არა ჩანს,  
არ ჩანს მთვარეც — ქარდაკრული სანთელი.  
რა მათბობდა?—ფარატინა ფარაჯა  
თუ მომავლის ჩაუმქრალი ნათელი...

1945

## წყაროსპირ ვწევარ

ვერცხლის ეფენები ცაში შეირხნენ,  
ცეცხლი მოვარდა და ტყვიის ქარი.  
... წყაროსპირ ვწევარ.

ნისლო, ხევითხევ  
საით მიდიხარ, სად მიიქარი?...  
წყაროსპირ ვწევარ.

და მკლავს წყურვილი...  
წყალსაც აჩნია სისხლის წინწყალი,  
დენტის ბურუსით შემობურვილი  
წამწამებს არხევს დილა ცინცხალი.  
შუბლს გახურებულს შეუშვერ ნიავს,  
დახეთქილ ტუჩებს მისველებს ცვარი.  
ზემოთ, ტალღებში, მტრის გვამი გდია  
და სისხლიან მკერდს ულოკავს წყალი.  
ქერთამიანი და პირტიტველა  
მიმზერს სიკვდილი თუ სიძულვილი...  
რა მომხიბვლელად, რა მიმზიდველად  
მოღელავს წყარო...

და მკლავს წყურვილი.

## ცის ახლოს პატარა სარკმელი

ცის ახლოს პატარა სარკმელი  
ცისფერ სახლს მიჰკვრია ცისფერად,  
სარკმელი სიმღერად სათქმელი,  
გერმანელ გოგონას სიმღერა.

სარკმელზე სამზითვო ბალიშებს  
ეყრდნობა მზისფერი იდაყვით.  
— შეჩერდი, აღარსად გაგიშვებთ!..  
ქალიც და სიმღერაც იძახის.

და, როცა წარბები გაეშალე,  
სარკმლიდან აფრინდა თავშალი.

გაიქცა... თან გაჰყვა ოცნება  
სიმღერას, მაისს და ქალიშვილს,  
გულს დარჩა პატარა ტკივილი  
და სარკმელს — პატარა ბალიში.

მავთულის მალალი მესერი  
და ეზო მწვანეში ჩაფლული,  
ყვავილებს ფუტკარი ესევა,  
მზეს მოჰყავს ზღაპრული ზაფხული.

დღეები სიტკბოთი ივსება,  
ვით თაფლით პირსავსე ფიჭები,  
უსმინე ამლერდნენ ისევ აქ  
მერცხლებიც და გოგო-ბიჭებიც.

ამ გზაზე ომით თუ ვიდოდი,—  
ლხენითაც შემოვალ ოდესმე...  
პირველი ზაფხული მშვიდობის  
კაცივით გადმოდის ოდერზე.

## საქართველოვ, დაგიბრუნდი

ნატყვიარი შინლის კალთა და საველე სამხრეები...  
საქართველოვ, ტკბილო დედავ, მეომარ შვილს მამხნეებდო.  
შენი შვილი, დვიძლი შვილი, მთების დევკაცს მიმამგვანა  
და დამლოცა დედის ძუძუმ, დედის ტკბილმა იავნანამ.  
შენ დამლოცე, საქართველოვ! შენს ტკივილს ხომ  
ვგრძნობდი ჩემად,

ოდერს იქით ჩამესმოდა შენი ტკბილი გულისცემა.

შინლის კალთა დაფლეთილი და საველე სამხრეები...  
საქართველოვ, დიღო დედავ, მეომარ შვილს მამხნეებდო,  
მე სიკვდილის კართან ვიდექ, შენ სიცოცხლეს მითენებდი,  
მიმრთელებდი გულის წყლულსა და ნატყვიარს მიმრთელებდი.  
მე, ოდერზე ხმალ მემართულს, მომძახოდა მტკვარის ტალღა  
-- დაჰკარ!

ჰვი ჩვენთა მტერთა ავნი თვალნი დაითალხა.

ომის ღამე გავათენეთ დიდი დღე ვინ დაგვიღამოს?!  
საქართველოვ, დაგიბრუნდი, მე მეომრის ვიხდი სამოსს.  
მაგრამ განა დავიფიწყებ წელს შარშანდელს, შარშანწინდელს.  
სამშობლოში სიხარულის ცისარტყელა გადაბრწყინდეს!  
გულო, როგორ დადუნდები, ხმაო, როგორ დადუმდები?!  
სიყვარულის მზე ბრდღვიალებს, ჰქუხს თბილისის სალუტები.

თებერვალი, 1946,

საგარეჯო.

## ის საღამოები

ის საღამოები ასეთი იყო მგონი:  
ბალახებში, რძიან ბალახებში წოლა,  
პაპიროსების დაკლაკნილი ბოლი,  
ოცნებებივით აზიდული მთების მხარმკლავი,  
ვარსკვლავთა თვლა,  
ძებნა ბედის ვარსკვლავის,  
სჯა და შექება მშვენიერ ქალთა,  
მათხოვარივით დგომა  
სიყვარულის კართან.

1946



\* \* \*

ცავ, შეგხარი, მზეო, შეგტრუვი, მიწავ, მკერდზე გეკონები,  
ო, უბრალო მოშაირე ნურასოდეს გეგონები.  
ლექსიც ამიმღერებია, გულიც გამიგულებია,  
—ამ უბადლო მზის ღიმელში ჩემი სისხლიც ურევია!

1947

## ძვირფასო...

ის ლამაზი დღე, მითხარი, ჩემო,  
ომის წინ იყო, თუ იყო გუშინ...  
ჩამჩურჩულებდი: ძვირფასო თემურ...  
ძვირფასო!.. უმალ გიკრავდი გულში.  
ძვირფასო!.. თითქოს ჩამესმის დღესაც,  
ძვირფასო!.. ფეთქავს ზღაპარი ძველი,  
გულში კვლავ იმ ცეცხლს ჩამომითესავ  
და თეთრ ცაცხვებთან, მგონია, მელი...  
მოვდივარ. სად ხარ? რად იგვიანებ?  
ძვირფასო!.. შენთან ვაბარებ ნიავს...  
ჩამირბენს თეთრი კაბის ნიავი  
და სიჭაბუკის ზღაპარი მიაქვს.  
მოდის, ჩამხედე! — პოეტის თვალში  
მიმქრალმა ცეცხლმა გაიკიფა.  
ჩვენ ხომ ძვირფასნი ვიყავით მაშინ  
და დღეს ასე რამ დაგვიაფა?..

## მშენებელი

ამაღლდი, დევგმირს ვედრები,—ვარ მშენებელი ამაყი!  
ამაღლდნენ სახლის კედლები,  
—სახლის კედლებო, ამაღლდით!  
ამაღლდნენ სახლის კედლები და გულმა რაღა ინატროს,—  
ხალხმა თქვას—აქ სიხარული, აქ სიყვარული ბინადრობს.  
ხალხმა თქვას...  
ჭერი ასწიოს ქორწილის ღამის თევამა  
და იატაკი გაცვითოს ქართული აკვნის რწევამა.  
წლებმა დამთოვლონ...  
ხალხმა თქვას — ჭაბუკობს კაცი რა ხნისა,  
სიმღერებში რომ ამაღლდა როგორც კედლები სახლისა...  
ხალხმა თქვას...  
მარად იდიდოს მართალმა სიტყვამ ხალხისა!

1948

## ჰეი, იორმა იორა

ჰე, ნაომარო დევკაცო! გორგასლის ტაიჭივითა  
სამგორის ველზე ფრთალაღად აპრილმა გაიჯირითა.  
—რა მოიტანე აპრილო, სიცოცხლის თვალო, აპრილო,  
სამგორის ვრცელი ელიოდან მზის ფრთებით წამოსაფრენო?..  
მიწის უბემკერდს აპრილის ღიმილი გაჰყვა ღილებად,  
—ღიღი შრომა და ღიღება, სამგორის აყვავილება.  
სამგორის ველზე მოსულა ნორჩი ნერგების ლაშქარი,  
შეერთა და გადაიკარგა სამგორის ქარი აქარი.  
ღინჯნი და უჯავრელები ნერგს რგავენ უჯარმელები.  
მზეში გარუჯულ ხელებით მოდიან გარეჯელები.  
მტერთან ნაომარ მარჯვენით სამგორს წერაქვი დავკარი,  
ივრის ტალღებში ჩავკალი სამგორის ქარი, აქარი.  
—ჰეი, დაიძრა იორი, ჰეი, იორმა იორა!  
კაკლის ხის ნერგზე შემჯდარი ჯღურტულებს ჩიტი ჩიორა.  
ომგადახდილო დევკაცო! მაგ შენი ტაიჭივითა  
სამგორის ველზე სიცოცხლემ ფრთალაღად გაიჯირითა!

1949

## ქ ა ზ ი ა

გიორგი ლეონიძეს

დაგლოცა ბერმა ვაჯამა,—  
ლაღად გამართე ფრთები,  
ამღერდი, უფრო ამალღდნენ  
შენი მშობელი მთები.  
... ვაჟასგან კალამნაკურთხო,  
მეც დამილოცე გზები.

1949.

## ჩანჩქრებში ერთი წყაროა

ჩანჩქრებში ერთი წყაროა ზეცის თვალივით წმინდა,  
მიწის გულიდან წამოვა, მზის ღიმი აწვიმს ციდან.  
სიმღერით ღამის მთეველი არ ჩაიმუხლავს არსად,  
დასწვდება მიწის მნგრეველი, მკერდზე შეისხამს წყალსა.  
ცქრიალ-წკრიალით წკარუნობს დაუდეგარი მუდამ  
— ქართული მიწის წყარონო ჩემს ბედს შენატროთ  
უნდა.—  
წყალს ვასმევ დევგმირ მშენებელთ ასე მკვირცხლი და  
ჩქარი,  
რომ მათ ხვალ მწყურვალ სამგორსა დააღვივნონ წყალი.

1950

---

\* ჩანჩქრები—ადგილია უჯარმასთან.

## ღია ბარათი ამერიკელ ოფიცერს

რუსულ „ურათი“, ქართულ „ვაშათი“  
მე მოვდიოდი კავკასიიდან  
და რაიხსტაგზე დროშის გაშლამდი  
ლექსიც ომობდა ვაჟკაცივითა.  
მხრებით ვატარე ომის სიმძიმე  
და შმაგ სიკვდილთან გაშაირება  
და, როცა ქვეყნად თვალმოციპციმე  
მშვიდობის დროშამ გაშლა ინება.—  
შემოხანძრული შინლით და ქუდით  
შემოგვებდი, ჩემს გულს დარი უნდოდა,  
შოვხედე მე შენს ბრჭყვიალა მუნდირს  
განა მტრულადა, განა უნდოთა.  
მე დაკოჟრილი მარჯვენა მოგეც,  
შენ—თეთრი ხელი თეთრი ხელთათმნით,  
თითქოს არც კარგი სურვილი ვზოგეთ  
ერთმანეთისთვის, ყველა ერთათვის.  
აღარ ვიყოთა უამინდობით,  
მშვიდობა მზეს და დარებს მოგვიტანს  
და, როს დაგცილდი, გითხარ:  
მშვიდობით!

მშვიდობით მეთქი, განა ომითა?  
თეთრ სახლში დაჰკრეს ომის დაფდაფებს,

შავი სახლია, თეთრი კი არა,  
თვალს რომ გიზრმავება ოქროს ლაპლაპი,  
შენც ჩემდა სამტროდ ლესაე იარაღს.  
კვლავ გსურთ სიკვდილის ჟინით მბორგავი  
რომ ააბრუნოთ ომის ბორბალი.  
... ნუ გავიწყდება, იქ ელბის პირას  
ჩემს წინ რომ იდექ როგორც ბატკანი,  
რომ ჩემმა სისხლმა გადაგიჩინა  
ეგ თეთრი ხელიც და ხელთათმანიც.  
რაღას დიდგულობ ბომბით, აირით,  
რას მედავები, სიდან სადაო?..  
მე მიწაც მყოფნის, მზეც და ჰაერიც,  
ნიუ-იორკთან რა მაქვს სადავო.  
შხამს, ბალღამს გულში ვინც კი ვერ იტევს,  
მართალ მარჯვენით დამიწლებიან.  
მე მშვიდად ვშრომობ,  
მომწყდი, მერიდე!  
... არც მტერთან ომი დამევიწყებია.



## იხილეთ მიწის გაჯეილება

ყანა კი არა, ველურ ბალახის  
არ იყო გუშინ აქ ნატამალი,  
წამოდგა მიწა სიკვდილნანახი  
და შემოირტყა ივრის ქამარი.

მზემ საალერსო სტყორცნა ამბორი,  
რადგან ჩემმა დრომ ასე ინება.  
მოდით, იხილეთ ყანა სამგორის,  
იხილეთ მიწის გაჯეილება.

ღელავს ჯეჯილი მკერდსავსე ზღვისებრ,  
მინდვრად დგახარ და ზღვა გაგონდება,  
შედედებულან ყანები ისე—  
შეაგლე ქუდი და გაგორდება.

1952

აი ვესტუმრე სანატორიუმს  
და მშობლიური სითბო ვიგრძენი.  
სწორედ რომ გულის თანატოლია.  
ჩვენი ექიმი და მასპინძელი.

ზღვის თაკარით და ამ ქალით ვიწვი,  
აბა რაღა მაქვს მე დასამალი...  
ექიმიმ ყველა წამალი იცის,  
ნუთუ არ იცის გულის წამალი..-

თეთრად გაბადრულს ჰგავს მაგნოლიას  
თეთრკაბიანი ქალი შავთვალა,  
სწორედ რომ გულის თანატოლია,  
მაგრამ, მგონია, ბავშვად ჩაჩთვალა.

როგორც კი სიტყვის თქმას დაეპირებ,  
იტყვის ნამალავ ღიმის მთოფარი:  
შინაგანაწესს არღვევთ, ყმაწვილო,  
დადგენილ წესით ძილის დრო არი.

მაშ მე უფლება არ მაქვს დავისა  
და ჩუმი ფიქრი დამეკვესება:  
თუ ძილის წესი უნდა დავიცვა,  
რა დააშავეს გულის წესებმა?

## ა ღ რ ე ა

შეგხარი როგორც პატარა ბალდი—  
ადრე ჭალარაშერთული ვაჟი,  
გესმის, ლამაზო, ცისფერი ტალღით  
ზღვამ ჩვენს სიყვარულს დაუკრა ტაში.

ლამდება...

— სახლში მაგვიანდება...

ელერს სინანული შენს წმინდა ხმაში.  
მოიცა, კარგო, განა ლამდება --  
მზე საბანაოდ ჩავიდა ზღვაში.

სასიყვარულოდ გვიხმობს ბუნება,  
მთვარემ წამწამი მორცხვად დახარა,  
ჩემო ლამაზო, შინ დაბრუნება  
ნაადრევია ვით ეს ჭალარა.

1953

## მთეგი ზღვასთან

თეთრი ღრუბელი მთა-მთა მოცურავს,  
გულში შეცურდა სიმღერის გედი,  
შებე, კაცივით ზღვასთან მოსულა  
კავკასიონის მალალი ქედი.

მხრებს დაბჯენია ზეცის თავანი  
და ლამის ნისლი აღარ ებურვის  
და როგორც ზვიად გემთ ქარავეანი  
დგას სარეისოდ გამზადებული,

უსაზღვრო ზღვაში საცაა შევა  
ივერიის მთა აყრილი ტანით,  
მარილიანი წყლის დასალევად  
და საბანაოდ მოსულან მთანი.

ახალი ათონი,  
1953.

## რომ მივდივართ მხარღამხარ

რომ მივდივართ მხარღამხარ,  
მაგონდება ხანდახან  
ჩემი ფარაჯაც.

ტყვიის ცეცხლით ალურით  
სიკვდილმა რომ დამდალა,  
ამ დღის, ამ სიყვარულის  
ვიდექ დარაჯად.

დადგებოდა, ვიცოდი,  
ეს დღე დიდი ზაფხულის.  
ცაზე წარბებშეკრული  
ნისლი არა ჩანს.

სიყვარულის მსახური,  
სიკბაბუკის ერთგული  
ვრჩები მარად ჟამს.

.1954.

## ზღვა და ზაფხული

ზღვა ივარცხნიდა ტალღების თაფარს  
და გუგუნებდა გული მუდმივად,  
რუსლანისა და ლუდმილას ზღაპარს  
ზღვასთან ვისმენდით მე და ლუდმილა,

ის—ჩრდილოელი, მე—მტკვარნასვამი  
ზღვასთან შემოვხვდით ერთურთს მცირე ხნით.  
იგი დამკრავდა ტალღას ზღვასავეთ,  
მე ზაფხულივით გავუცინებდი.

ის შეებულემა სასამსახურო  
დამთავრდა გულის წვაში, გზნებაში  
და სიყვარულის ცხელმა ზაფხულმა  
აღარ გამიშვა შეებულემაში.

ზღვას განვერიდე, მაგრამ ეს გული  
მის ტალღის ცემას სად დაემალოს...  
ჩემშიაც ბორგავს სიყვარულივით  
ზღვა — სიჭაბუკის საპაემანო.

1954

1.

## მაზ მითხარ

შავი თვლების ცეცხლში გავები,  
ეს, მომკლავს ლეკის ქალების ეშხი...  
იქნებ ჩამოსწყდნენ ცას ვარსკვლავები  
და ჩაიფანტნენ დაღესტნის მთებში.

მაზ, მითხარ, აბა, ქართველ ასულებს  
რატომ გვტაცებდით ლეკის კაცები,  
როცა დაღესტნის ყველა ქალები  
ყოფილან მართლაც მოსატაცები.

აპრილი, 1955.

მ. ხაჩყალა.

## დაღესტნური გოტივიზიდან

\*\*\*

თეთრშალმოსხმული ნუ გამოხვალ, ლამაზო, ღამია,  
ნუ გაიღლებ სიბნელეში ნურც ერთი წამით,  
თორემ შავ ღრუბელს ეგონები პირბადრი მთვარე,  
შემოგებვივა, გაგიტაცებს... ნუ გახვალ გარეთ.

ოქროსფერ კაბით ნუ გამოხვალ, ლამაზო, ბანზე,  
ნუ გაიღლებ დღის ღიმილში მშვენივლით სავსე,  
თორემ მიმინოს ეგონები უცხო ფრინველი,  
მოგეპარება, გაგიტაცებს შენი მხილველი.

\* \* \*

ო, ია-იაგ, გეკითხები, პასუხი გამეც,  
შთაში რომ ჰყვავი ოქრო-ვერცხლის ღიმილთ მოცული,  
ქვეყნად თუ არის შენზე უფრო ლამაზი რამე?  
არის:

სიყვარული, სიჭაბუკის ჟამზე მოსული.

ჰოი, ლერწამო, შორ მიწაზე რომ ითვლი წამებს,  
შაქრის სითეთრე ლერწმულ ტანზე რომ გაქვს მოსხმული,  
ქვეყნად თუ არის შენზე უფრო უტკბესი რამე?  
არის:

სიყვარული, სიჭაბუკის ჟამზე მოსული.



\* \* \*

გმირი უშიშრად თვალს უსწორებს სიკვდილსაც ხშირად,  
მას დაჩოქებულს, უკუქცეულს ვერ ნახავ ვერსად,  
თავის სიცოცხლეს არ აფასებს ის თუმცა ძვირად,  
მაგრამ იათად არ დაუთმობს ბრძოლაში მტერსა.

\* \* \*

იკოდე: ისრით დაჭრილია ირემი ერთი,  
მტკივან ფეხით რომ ჩამორჩება გაქცეულ ირმებს.  
კაცი რომ თავს ხრის და ბოღმისგან ეწვება მკერდი,  
იკოდე: იმან ამხანაგი დაკარგა ვინმე.

\* \* \*

სახლში: ცოლი—ლამაზი და... ბოროტი,  
ჭაში: ცხენი—კოჭლობს, ველარ ვცნობილობ...  
უხვირო ცხენზე უარესია  
კაი ყმისთვის ცუდი ცოლი, ძმობილო.

\* \* \*

— სიმალლით ვერვინ შეგედავება,  
მთაო, რა ნისლი შემოგწოლია,  
მზე სულ პირველად შენ გესალმება,  
თავს დაგტრიალებს როგორც თოლია.

— მზე სულ პირველად სხივების ხვავით  
მე მიძღვნის სალამს ცისკრულ სიცილით,  
მაგრამ იქ, დაბლა ვარდები ჰყუავის,  
მე კი აქ მთოშავს ყინვა-სიცივე.

\* \* \*

— დედი, ჩქარა გაიღვიძე, ნახე საკვირველება,  
მწვანე კაბა გადაიცევს თოვლიანმა ველებმა.  
დედი, ადი სახლის ბანზე, ნახე თოვლის ზვინული,  
სურნელოვან ცისფერ იებს დაუფარავთ ყინული.

— 'მვილო, მწვანით რამ შემოსოს თოვლი თეთრად დაყრილი,  
მხოლოდ შენს გულს, ახალგაზრდულს, ეჩვენება აპრილი,  
'მვილო, ვხედავ, მოგდებია რალაც ცეცხლი ძლიერი,  
სიყვარულმა თოვლზეც იცის აყვავება იების.

მახაჩყალა-თბილისი }  
1955—1956.

## ლიმილის საგზალი

ბუბა კარდენოვს

პიატიგორსკი. ავტოსადგური.  
აპრილის თვე და ქართველი მგზავრი.  
ქალაქი მთების გულში ჩადგმული  
და მთების გულის გუგუნი მძლავრი.  
დილა, სითბო და იასამანი —  
მოდრი და მზეს ნუ მიესალმები...  
ცას სამაისო ერტყა ქამარი,  
მიწას — ლიმილი იასამნების.

გამოგოგმანდა ქუჩაში შველი,  
აპრილის რძით და მირონით სველი.  
ჰო, შველი იყო, ვაზი თუ ქალი,  
გადასჭრა ქუჩა, შემომაშუქა,  
იმ ცაზე უფრო უძირო თვალი  
და...

მხოლოდ ერთი ღიმი მაჩუქა.  
ეჰ, კარგი იყო როგორც ზღაპარი,  
გუშინ ნალჩიკში რომ მითხრა ბუბამ,  
გადამავიწყა ცაც და მთაბარიც,  
თვით გაწითლდა და მე გადამბუგა.  
თან გამატანა ლიმილი საგზლად,  
ჩერქეზეთში იმ ლიმილს მიყყევარ,

მზე იმ ღიმილზე ღიღინებს სადღაც,  
ცაც იმ ღიმილის შუქზე ირხევა.  
ირხევა სულის ყოველი სიმიც  
და გზას მღვიგნებ იმ ძვირფას ღიმიტ.

ჩერქეზეთს ჰხურავს ნაბადი წვიმის,  
ყაბარდოს მთებში ბრუნავს თბილი მზე,  
მე გზას მღვიგნებ ლამაზი ღიმიტ,  
...გზა ვით გავიგნო იმ ღიმილისკენ?!

1955.

## საჩერქეზოში

მუხლს იმართავენ მუხები, მზის არაყს სვამენ არყები,  
ჩერქეზეთს გავიზაფხულებ, ყუბანის პირებს აყყები.

ჭრელად ქათქათებს მდინარე—ვეფხვი მზეს მიფიცხებული,  
ყუბანის ირგვლივ მოვრალივით ბრუნავს ყვავილთა კრებული.

გზას მილოცავდნენ აქეთკენ ოსი თუ ყაბარლოელი,  
ჰე, ძველისძველი მოყვარე საჩერქეზოში მოველი.

მოველი, ლექსსაც დამშვენდეს სიმარჯვე თქვენი ისრისა,  
მოველი, ხილი ვიხილე თქვენი მზისა და ნისლისა.

მოველი, ვნახე მშვენიება ქალისა—მინანქარისა,  
ჩერქეზულ რაშის ქენება—გამოქროლება ქარისა.

შორს, მთებში კოცონს ანთებენ იბერები და ბეთები,  
სიყვარულისგან დამოვრალი ჩერქეზეთს დავეხეტები.

...წავალ, წამყვება ტკივილად, როგორც სიღამწვრე მზისანი,  
ჩერქეზ ქალისგან ნასროლი, გულს ჩარჩენილი ისარი.

1955.

## სალამოს ტბასთან

სალამოს ტბასთან იდგა სალამო,  
იის ღიმილის სადარებელი,  
სალამოს ფერთან ვერც შეახამო  
ბინდი—პეპლის ფრთით სატარებელი.

ტბას ირგვლივ ერთყა შიშველი ველი  
და ხშირ ტყესავეით ტბა შრიალებდა  
და ლამიანი ნაპირი სველი  
მთაში ხარირემს აჯრიალებდა.

ირემო, მოდი, დალიე წყალი,  
მოდი და ლოკე გულის მარილი...  
ტბა ჰგავდა მთებში ჩავარდნილ მთვარეს  
და სვეტად ედგა ვარსკვლავთ არილი.

...შენ ეს წყალი ხარ, მე—ის ირემი,  
შენთან მყოფი და მაინც მწყურვალი...  
შორს მუქად ჩანდნენ მთების ქიმები,  
მძლავრად რომ უცემთ გული მხურვალე.

მთის ძირში მწყემსებს ენთოთ კოცონი  
და შიშხინებდა ცეცხლზე მწვადები  
და გრილ სუფრაზე ეწყო ოცობით  
ცხელი ქაღები და ხელადები.

მეც ხომ მწყემსი ვარ სიყვარულისა,  
მწყემსურ ცეცხლს მეც ხომ გავაჩაღებდი,  
აიმ მთასავით ავმალღებოდი,  
მთვარეს ჯიხვის რქას დაუაჯახებდი.

სალამო იდგა სალამოს ტბაზე,  
შენ ჩემთან იდექ უუადღესავით,—  
ტბაზე უღრმესი, მთვარეზე სავსე,  
ის ცეცხლზე მძლავრი ცეცხლის მკვესავი.

...ცის ფარჩეულის ეცვა სამოსი,  
თვალეებში შუქად ედგა მარილი  
და შეგვხაროდა ტბა სალამოსი,  
დილის მზის წყალში მკერდგაპანილი.

1955.

\* \* \*

ჰკითხე იმ ღამეს, ცას გამჭვირვალეს,  
ნიავეს—ჩვენს ტრფობას რომ ჩურჩულებდა,  
იმ ლალ სიმღერებს, ფერებს ბრწყინვალეს,  
ამოქარგულებს ამ ჩვენს გულებთან.

ჰკითხე — გეტყვიან, ვკითხავ — მეტყვიან,  
როგორ გიყვარდი, მიყვარდი რარიგ...

მკერდით შევები მერე მე ტყვიას  
და სულში ჩადგა ფრონტების ქარი.

აქ რომ დამიდგი სიმღერის ფუძე,  
იქაც მიგყავდი სიცოცხლის გზაზე,

მაგრამ... გავიდა ხანი და უცებ  
ჩვენ უცნობებად ვიქეციით ასე.

1955.



## სტრის მყინვარწვერი

(სურათი)

ცის კაბადონზე მძიმედ ეგდო სველი ღრუბელი,  
ზღვათა ცრემლებით ავსებოდა ღრუბელს უბენი.  
მას მყინვარწვერი დააშტერდა ირიბი მზერით  
და უცაბედად წაეტანა უხილავ ხელით.  
და დგას მყინვარი შუბლშეკრული—კუშტი და მშვიდი,  
ვით დევს გოლიათს, ხელთ უპყრია საცერი დიდი.  
სტრის არხეინად,  
სტრის და სცევივა ფქვილივით თქორი,  
საღლაც ხევებაი ფრთებს იბერტყავს თვალშავი ქორი.  
მზედაკრულ მიწას სიგრილის ფრთა ცისარტყლად აწევს,  
და სტრის მყინვარი,  
აქნევს ღრუბლის ვეება საცერს.

ბარი ხარობდა,  
კუშტად იღვა მწვერვალი მხოლოდ,  
მას მზერა ჰქონდა ნისლიანი და ალმაცერი;  
ძირს, უფსკრულეებში ჩაახეთქა მწვერვალმა ბოლოს  
დაშრეტილი და ცარიელი ღრუბლის საცერი  
და გადიშუქა.

1956.

## მთვარე სავახშმოდ წასულა

ცისაკენ მორცხვად აღაპყარ  
ორი სადაფის თვალი,  
მთვარე სავახშმოდ წასულა,  
ნულარ გრცხვენია მთვარის.

შენ ცაში, მე შენ თვალეში  
ლალის ვარსკვლავი ვთვალე...  
მთვარე სავახშმოდ წასულა,  
მე უვახშმოდ ვარ მთვრალი.

მაგ მარწყვის ბაგეს ვაცხრები,  
ხელით იფარავ თვალეbs,  
მთვარე სავახშმოდ წასულა,  
სადა სცალია მთვარეს!..

1956

## ფაჩუჩები

თქვა:

— მომეციტო ფაჩუჩები...

გაწითლდა თანაც,

რა აწითლებდა, რა სცხვენოდა თკალადს და ტანადს...

თითქოს დამალვა უნდოდაო საკუთარ ტანის,  
დასამალავი რა ჰქონდა განა!

— ყველაზე მცირე ზომის იყოს, ყველაზე კარგი...

თან დაუმატა: მომეციტო მეორე წყვილიც.

მიუალერსა ორივე წყვილს, გაშალა წარბი,

სახლში კი ალბათ ჯერ არ ელის არცერთი შვილი.

ჩვიდმეტი წლის წინ გაიხდიდა

თვითონ ფაჩუჩებს

და დღეს კი მათზე ფიქრი მის გულს

აღარ აყუჩებს.

გულში ჩაუკრავს ფაჩუჩები რამე განცივით

და ფართო კაბას უზრიალებს ფრთაანცი ქარი,

წინ უდევს დედის სასახელო გზა და მანძილი

და მსუბუქ ფეხით მიაბიჯებს ფეხმძიმე ქალი.

1956

## ჩემს ლმპსებს

ჰა, ესეც, — ქართულ ასოთა ჯარი,  
ანიდან ჯანი რა შორს გამდგარა...  
და ჩემი გვარიც ჯანით იწყება.

პირველად, როცა სკოლაში შეველ  
და არ ვიცოდი მე ჯერ ანბანი,  
ამომიკითხეს ყველაზე ბოლოს,  
ყველაზე ბოლოს ავდექი ფეხზე.  
ნუთუ ყვილაზე ცუდი ვარ მეთქი —  
გული დამწყდა და ცრემლი მომაწვა.

შემდეგშიც ყველგან, ყველა სიაში  
უკანასკნელად ვწერივარ მუდამ;  
პირველ კაცთაგან შორს დავრჩი ისე,  
როგორც შორს არის ანიდან ჯანი.

მაგრამ მე მთელი ჯანით და გულით  
ვარ ქვეყნისა და ლექსის მსახური —  
მუხლჩაუხრელი, სულ ფეხზე მდგარი.

ჩემო ლექსებო, ალბათ მემდურით  
ჩემი გვარი რომ უკან გეწევათ,  
რომ თქვენთვის მუდამ განკუთვნილია  
ქართული წიგნის ბოლო ფურცელი.

(თქვენ ახლა, ალბათ, იმასაც მიწყენთ,  
რომ ლექსებს თეთრი ლექსით მოგმართავთ,  
რაც დღემდე არც კი დამიწერია).

იქნებ ამ „ჯანის“ ბრალია ისიც,  
რომ ვერ იქნა და ველარ შევედით  
დიდკრიტიკოსთა რეპერტუარში...

რა ვუყოთ მერე, ვინ იცის, იქნებ  
დიდ პოეტთაგან შორს დავრჩე ისე,  
როგორც შორს არის ანიდან ჯანი.

მაგრამ მე ძველი ჯარისკაცი ვარ  
და ვიცი ჯარის ლაშქრობის წესი —  
სულ ბოლო რიგშიც მწყობრის შემკვრელად  
მხედრები დგანან რჩეულ რჩეული.

და ამ მხედრებს კი, ჯანდაუმცხრალებს,  
ჰბადებს ბრძოლა და აწრობს გრივალი.

## თოვლის გუნდა

ფეხქვეშ იმტვრევა სიფრიფანა ყინულის თეფში,  
ცა ისე ბარდნის, როგორც წლები ბარდნიან თმებში.

ქალ-ვაჟთა კისკასს, გუნდაობას შევყურებ ყუჩად  
და ნელა მივდევ ლე ამონტოვის დათოვლილ ქუჩას.

(რუსული სიტყვის, დიდი სიტყვის ბრწყინვალე რაინდს  
აქ ქუჩასავით გათეთრება დასცლოდა მაინც).

ვგრძნობ თოვლის გუნდამ შემირხია მხრებზე კუნთები,  
გულნაწყენიც და ნაამებიც შემოვბრუნდები.

ვხედავ — დარცხვენელ სითამამით მესროლა მზერა,  
მან, უბეშიც რომ ჩაუწყვია თოვლის გუნდები.

ასე უღმობლად რომ გაჯახებს წაშწამთა შუბებს,  
გასულ ზაფხულს თუ ამოივსო გუნდებით უბე.

თითქოს შორს, სადღაც გადიწია სიბერის ფარდამ,  
რა მეთქვა მისთვის, მაღლიანი მაღლობის გარდა.

1957

## ილიას ხილვა ღარიალში

ო, ალბათ ახლა მზე თამაშობს ყვარლის გორებზე,  
მყინვარწვევრს მკერდზე სქელი ნისლი შემოსწოლია,  
ეს ღარიალი—ასე ვიწრო, ასე გოროზი—  
უკვდავებაში შესასვლელი კარი მგონია.

ამ დიდ კარებში დგას ილია თვალნაშუქარი —  
ჩემი მამულის მომავალი ტვინი და გული,  
იმ გულს ძარღვებში სისხლად უჩქეფს თერგი მქუხარი,  
ამ სისხლით უნდა ჩამორეცხოს ქვეყანას წყლული.

ოთხი წლის შემდეგ სამშობლოში დაბრუნებულა  
და უკვე ბრძენი ახალგაზრდა ხედება ღარიალს,  
სულში წყურვილი ტალღასავით დაბრუნებულა, —  
დასწვდა ილია,  
თერგის მღვრიე წყალი დალია.

თერგი დალია,  
დანისლულ მთებს სუნთქვა შეუკრავთ,  
ეჰ, თუ მაშინაც ამნაირი იდგა დარები...  
თერგი დალია და ღარიალს ეტლით შეუყვავა...  
— ჩამოდი!...

ფეხით გაიარე!

გემუდარები...

— ჩამოდი!..

ისმის დარიალის ბუბუნი მკვეთრი,

— ჩამოდი!..

დაღმა მიღრიალებს თერგი მშფოთვარე,  
ცხენშებმულ ეტლში არ წაგექცეს სიცოცხლის ეტლი,  
შენი მამულის განახლების ახალმოთავეგ...

წიწამურისკენ ჩაგატაროს მაგ ეტლმა იქნებ,  
ნუ გინდა ეტლი!.. ფეხით ჩაჭყევე მშობლიურ არაგვს!..  
არ მისმენს,

მაინც მიჰქრის ეტლი,

მე ვრჩები იქვე

და ჩემს გულსწვას საზღვარი არ აქვს.

და დღეს ლექსივით იკითხება ბრძენკაცის კვალი,  
ცას სწვდება რეკვა უკვდავების ზართა ძლიერთა,  
როცა ილიამ შეანათა ამ კლდეებს თვალი,  
ასე მგონია დარიალი გაგანიერდა.

დარიალის ხეობა,  
1957



## ოთხეულები

### ბარათაშვილის აღმართი

ჰოი, ნეტავ თუ შეეძლებს ოდესმე  
ბარათაშვილის აღმართზე ავლას...  
ასეთი მუხლი როგორ მქონდეს მე—  
ამაზე ფიქრი თანა მღევეს ჯავრად.

### აუხსნელი იგავი

შენ აუხსნელი დამრჩი იგავი,  
ეჰ, ერთხელ მაინც გამხარებოდი...  
მაგრამ ცოლი რომ ჰყოფილიყავი,  
იქნება ასე არც მყვარებოდი.

### გ ა ლ ი

შავი ზღვის ახლოს გალია,  
ჩემი ოცნების გალია,  
იმ ლამაზ გალში ქალია,  
გული დარდით რომ გალია.

### ალვის ხეები

წილზე შემოგხვევ ხელებს მიწიანს,  
მათი შრიალის ეშხით დაფთვრები,

უკვამლო ცეცხლით ცაში იწვიან  
ალვის ხეები—მიწის სანთლები.

### აღამიანები სასაფლაოზე

მოდინ, სტოვებენ მიწაში ახლობლებს  
და თავდახრილები მიდინ უკან  
და...  
მხოლოდ დროებით მიდინ უკან.

### ბეთანია

ფრთებად ვისხამ ხეთა ნიავს,  
გადვუქროლებ ამ არესა,  
მელოდება ბეთანია  
და თვალები თამარისა.

## მანაბლის ქუჩა

და გაფოთლილან ისევ ცაცხვები,  
მათი შემყურე ვით ვიყო ქუშად,  
ზოგჯერ ამაყად, ზოგჯერ დარცხვენით  
მე გამივლია მანაბლის ქუჩა.

ზოგჯერ სიმღერით, ზოგჯერ კი ყუჩად  
თან დამაქვს კრძალვა პირველ გავლისა;  
მანაბლის ქუჩა, მალალი ქუჩა,  
ქუჩა დადება შოთას მტკაველისა.

ჰა, შეფოთლილან ცაცხვები გუშინ,  
მათებრ შეფოთვლა სულსაც სწყურია;  
ლექსის ოსტატთა ამ წმინდა ქუჩით  
ვაი თუ რუსთველს არ გაუვლია...

მაისი, 1958

## გაზაფხული იბადებოდა

„აერორას“ ზალპმა ბალტიის ზღვიდან  
გაჰკვეთა სივრცე თვალუწვდენელი,  
რევოლუციის საქესთან იღგა  
და ჯავშნოსანზე ჰქუხდა ლენინი.  
ძველმა სამყარომ იწყო ცახცახი,  
სინათლის დროშა იბადრებოდა  
და ეცემოდა ზამთრის სასახლე  
და გაზაფხული იბადებოდა.  
იბადებოდა სამშობლო ჩვენი,  
დღეს რომ სიმღერით ვეხმაურები,  
ბრძოლაში გაჰყვენენ ვლადიმერ ლენინს  
ჯარისკაცები, მეზღვაურები.  
ლენინთან იყო მწყემსი და მხენელი,  
რკინის მდნობელი, მადაროელი,  
ლენინს მიჰყავდა პარტია ჩვენი  
ახალი ერის მახარობელი.  
საუკუნეთა გაჩაღდა შუქად  
ცხრააჩვიდმეტის ოქტომბრის ღამე,  
მზე სწორედ მაშინ დაენთო უხვად  
სისხლ ცრემლით მორწყულ ველებს და ხრამებს.  
სიცოცხლის ძალაც იმ ღამემ მისცა  
ჩვენს საქართველოს, ჩვენს მთებს და ველებს,

მას შემდეგ მართლაც ამღერდა მიწა,  
ხალხიც ამღერდა იმ ლამის მერე.  
ორმოცდაერთი წლის წინანდელი  
ოქტომბრის ზარი საქვეყნოდ რეკავს,  
გამოგვივლია გზები ნათელი,  
რწმენით მივყვებით ლენინურ ცეკას.  
უკვდავ დიდებით მოვსულვართ დღემდე,  
ოქტომბრის დროშას დაბლა რომ არ ვხრით,  
საუკუნეთა, ურიცხვთა, შემდეგ  
კვლავ ამ გზით ივლის უკვდავი ხალხი.  
ოქტომბერს—ჩვენი სიტყვა მკვექარი!  
ოქტომბერს—ჩვენი ფიცი მხედრული!  
მზე-კომუნის ბრწყინავს ბჭეკარი,  
ორმოცდაერთი ელვით შეკრული.

1958

## წითელი კაბა

— რომ გავიზრდები,  
წითელ კაბას გიყიდი, დედი,  
გიყიდი წითელ კაბას!..

მაგრამ იმგვარად მობრუნდა ბედი,  
წავიდნენ წლები,  
წავიდნენ ისე სწრაფად,  
ველარ შევძელი მე წითელი კაბა მეყიდა,  
დედილო, შენთვის...

მე მერხის მერე დავიდალე ომის მეხითა,  
ცეცხლით და დენთით;  
მზე წითლად ასჯერ ამომივიდა  
შუქით ცივითა.

მიწაც ვიხილე წითელ კაბაში,  
წითელი სისხლით დავიდალე  
და დავინახე  
ირგვლივ სიკვდილი ყფდა კაპასი,  
ხანდახან ახლაც რომ მეყურება...

შვილს აპატიე დაპირების ვერშესრულება,—  
შენი სისხლია, შენი ღვიძლია...  
და ახლა, როცა მე შემიძლია  
წითელი კაბის ყიდვა,

შენ იგი უკვე აღარ გპირდება...  
ძნელია ცალი უღელის ზიდვა,  
შავ თმაში თეთრი გაგიხშირდება...  
კაბა გპირდება მაგ თმათა ფერი,  
შავი, მარტოდენ შავი...

და ჰა,

სიქვრივის საჩუქარი მოგართვი, დედი,  
და შენს წინ ვდგავარ ვით დამნაშავე.

უფლება არ მაქვს,

მკაცრი წესი გულს მეწყლულება,

სხვა ფერის კაბის ყიდვა უკვე არ შემიძლია...

შვილს აპატიე დაპირების ვერშესრულება,—

შენი სისხლია, შენი ღვიძლია...

\* \* \*

შენთან ხანდახან სიცილიც ვერ გამაბედვინონ,  
შენი ტკივილით, მამის ჯავრით გული მევესება,  
და ჩემი შვილი,

შენი შვილიშვილი,

დედილო,

ვითარცა მე შენ, თავის დედას ვალერსება.

ტკბილად ღულუნებს ჩემი ლალი, გულთეთრა მტრედი:  
— რომ გავიზრდები.

წითელ კაბას გიყიდი, დედი,

გიყიდი წითელ კაბას!

თვალს შეიმშრალე, უწმინდესი ცრემლებითა ნაბანს,  
შვილის წინაშე გსურს დამალო ეგ შაფი კაბა,  
როგორც ტკივილი, როგორც ჭრილობა.  
— დე, აღასრულოს შეილმა პირობა!

1959



## სულხან-საბა

### 1

მიწა შეარხევს რუხ-მწვანე საბანს,  
საცაა უკვე მნათობიც ჩავა;  
კლდეთა ქალაქში შემოდის საბა  
და ბერის კაბა უელავს შავად.

ცაზე ლივლივებს მაისის ფარჩა,  
თითქოს ტანძიის მოჰბერს ნიავეც...  
იქ სადღაც, ივრის პირებზე დარჩა  
ძე-კაცი სულხან ორბელიანი.

და სდუმს უწყალოდ გარეჯის ქვაბი,  
ზე ავლენილი მდუმარე ლოცვით,  
ცას შესცქერიან ნარუჯი ქვები,  
როგორც მამულის დამწვარი ხორცი.

გარეჯსა შინა შემოდის საბა  
ქართული სიტყვის კრიალოსანით,  
ემთხვევა მიწას, ცრემლებით ნაბანს,  
ხალხზე მლოცველი და ღვთის მმოსავი.

— ბერო საბაო, კაბუკი სულხან  
მონასტრის გარეთ შენ გელოდება!..

გულს ლოდად გადევს სიცოცხლის სუნთქვა,  
პტრედის ბუმბულიც კი გელოდება.

სად ბუმბული და სად ლოდი, საბავ...  
ჩქარა გაიძრე ევ ბერის კაბა!—  
ძე-კაცი სულხან შენ გელოდება...

შენ გელოდება!...  
გზა არის დიდი,  
ზღვათა, ხმელეთთა გარდასავალი,  
შენთვის არ თქმულა ცხოვრება მშვიდი,  
დაყუდებულთა მყუდრო სავანე.

ვით ჩამოლამდეს ცა სინათლისა,  
ქართვლის სიკვდილი ვის უთქვამს, აბა...  
შენ გელოდება ბედი ქართვლისა,  
სამშობლოს ბედი...  
გამოდი, საბავ!

მამულში ობლად დარჩა სულხანი  
ანთებულ გულით, დასისხლულ ხმალით,  
შენ გელოდება,  
გამოდი, საბავ!

და ერთურთს შეხვდნენ სულხან და საბა.

## 2

მამულის ბედის მაძიებელი  
შორ გზებზე დადის საბა-სულხანი,

სულხან—ჭაბუკი, საბა—ბებერი  
და ერთი გული—ცხელი ვულკანი.

საბას დარდი ჰკლავს გარდასულ ხანის,  
მხარში ვინ ედგას გარდა სულხანის?..

ევროპას ქვეყნის ხსნასა სთხოვს საბა,  
სულხანი უწმენდს მკერდს, სისხლით ნაბანს.

პარიზი კეკლუც თვალებსა ნაბავს.  
ჰა, ჩაიჩოქა ბოლმისგან საბამ,  
საბას აყენებს ფეხზე სულხანი.

უკან მობრუნდნენ მოყმე და პაპა,  
ორივეს ერთი აქვს საწუხარი,  
მტრის დამარცხებას ლოცულობს საბა,  
მტრის რისხვად ლესავს მახვილს სულხანი.

### 3

და სულხან-საბა ვიდოდა ასე  
საუკუნეთა უშორეს გზაზე.

მოსთქვამდა ქვეყნას დარბეულ კერებს,  
ნისლი ეხვია ოცნებას მისას.

დიდხანს ებრძოდა ქარიშხალს მედგარს...

და მოაღწია ორას წლის მერე  
ღრუბელგადაყრილ სამშობლო მიწას.

და უკვდავების კვარცხლბეკზე შედგა.

## ჩვენი პლანეტის პირველი ელჩი

ჩვენს დიდ დროს უნდა ფეხდაფეხ მიჰყვე,  
უფრო ხმამძლავრად უნდა მღეროდე,  
მაგრამ, პოეტო, სად ჰპოვებ სიტყვებს,  
ამ ზღაპრულ ნახტომს რომ შეჰფეროდეს.

მაშ ამ ლელვასაც გაუძელ ბარემ,  
წამოსათრენად გული რომ გერჩის,—  
საბჭოთა აღმით ესტუმრა მთვარეს  
ჩვენი პლანეტის პირველი ელჩი.

მთვარეს ეწვია ჩვენი რაკეტა—  
მაუწყებელი უდიდეს დღეთა!  
ის ჩემი ხალხის ხელმა აკეთა,  
მშვიდობის გრდემლზე აწრთო და სკედა.

ეს შენ შესძელო, მშობელო ხალხო,  
შენ გაუსწორე სამყაროს თვალი!  
ცხელი მზე ომის ცივ ყინულს აღზობს,  
ცა სამშვიდობოდ ნათლდება რარვიგ.

დედა-მოსკოვის ღერძზე ტრიალებს  
ეპოქა—ამდენ ლელვის მზიდველი  
და დღეს მთვარეზეც ლაღად ფრიალებს  
ჩვენი სამშობლოს დროშა წითელი.

## შ უ ა ღ ლ ე

თავს ცხელი მეხი დამცა რა,  
ავდრიან დილამ დამცარა,  
ჩემი შუადღის მოსვლაზე  
არც ჰო მითხრა და არც არა.

ჭაბუკის მკერდით შეევები  
სისხლის და ცრემლის დიდ ლელეს,  
ჩემი კაცობის დღეები  
ბრძოლებში გამოვიდღევე.

და ჰა, ბრდღვიალებს ცხელი მზე  
ჩემი სიცოცხლის ზენიტზე.

კეთილი დარის ნიშანი  
თეთრი ღრუბელი მოცურავს,  
ჩემი შუადღე მოსულა,  
ჰეი, რა ჩქარა მოსულა.

ეჰ, თურმე თვითონ მომყავდა  
ის თავის პაპანაქებით...  
ვიწვი და ვიღვწი, რომ ჰყავდეთ  
შვილიშვილთ პაპა ნაქები.

გულო, იყუჩე, ცოდო ხარ,  
ეს რა აღმურით აღმანთე...  
მზევ, გაივაკე ცოტა ხანს,  
გვიან დაეშვი დაღმართზე.

შუადღევ, დიდხანს გაგრძელდი,  
ფიქრო, დაღვინდი, დარძევდი!

სიტყვავ, დაფდაფებს დაჰკარი,  
იქუხე, არ დაახანო!..  
დამწვარს შუადღის თაკართ  
ფერფლად მიმიღებს საღამო.

1960

## გზის პირას ჰჰჰჰჰის მინდვრის ყვავილი

გზის პირას მინდვრის ყვავილი ჰყვავის  
ელვარე ფერით, აწეულ თავით.

გამვლელთ გულებს რომ ესალმუნება,  
მიველ, შევახე კრძალვით მე ბაგე,  
ნუ გამიწყრები, დედა-ბუნებავ,  
დედა-ბუნებავ — დიდო მებაღევ!

ეს ყვავილი ხომ ჩვენთვის გიძღვნია,  
გიჩუქურთმია უკვდავ ხელებით;  
გზაზე წვეებიან და წინ მიძღვიან  
მისი ფერების კისარტყელები.

გზის პირას ჰყვავის ამო ყვავილი,  
მაისის ჩარხში გამოყვანილი.

ფიცხი მზეა თუ ჩამოსდის ხვითქი,  
თავსხმაში დახრილ თავით არ გვიმზერს,  
ნეტავ, მასავით ეს ჩემი სიტყვა  
იღგეს ცხოვრების შარავზის პირზე.

იდგეს, ჰყვაოდეს,  
სიცოცხლის მგზავრებს  
ატანდეს გულის მუქსა და ღიმილს,  
არ აშინებდეს გრიგალი მძლავრი  
სეტყვით და თრთვილით, გვალვით და წვიმით.

...ელვარე ღიმიტ, ამართულ თავით  
გზის პირას მინდვრის ყვავილი ჰყვავის.



## ზაფხულია და ჯერ მკათათვე არ დამღვრიია

აგარაკებზე გაკრეფილა მთელი ქალაქი,  
ზოგს მთა ეძახდა, ზოგს — შავი ზღვა, ზოგსაც — არაგვი.

მე წიგნებს შევრჩი, თავზე მადგას ქალაქის ჩერო  
და დამშრიალებს: მკათათვის თვე აღრეა ჯერო.

შენ მხოლოდ ახლა ხნავ და თესავ მარცვალს, მთესველო,  
და ვიდრე სამკალს არ იხილავ, არც მოგესვენოს.

ჩემს წინ როდია მობიბინე ნასიბინდრები,  
სახნავ-სათესად მაქვს ქალაქის ნაზი მინდვრები.

თაკარა მზეში თავზე მადგას ფურცლების ჩერო<sup>1</sup>  
და დამჩურჩულებს: მკათათვის თვე აღრეა ჯერო.

ვიცი. დამბუგავს, მაგრამ ამ ცეცხლს ვერ დავეხსნები,  
ვიწვი მთესველი თბილისური მზით და ლექსებით.

1960

## იმ გზაზე შავი მაყვლები იცის

გაგრის მახლობლად, კოლხეთის გზაზე  
მზის ცხელი ტვირთი წელში მომხრიდა,  
პირთამდე სავსე ზაფხულის თასი  
ამაყად ეპყრა ხელში კოლხიდას.

იმ გზაზე შავი მაყვლები იცის...

ვისმენდი მე შენს წკრიალა სიცილს,  
ულმერთოდ მწვაედნენ თვალნი მაყვლები,  
და მიჰყებოდნენ ბარბაცით გზის პირს  
მაყვლები, როგორც მთვრალი მაყრები.

იმ გზაზე შავი მაყვლები იცის...

თეთრად ვუთევდიო იმ შავი ზღვის პირს,  
შენ გქონდა მართლაც შავი თვალები  
და თუ კვლავ ვნატრობ შენს წმინდა სიცილს,  
ისე, ხუმრობად ჩამითვალე მე.

გაგრასთან შავი მაყვლები იცის...

ზაფხულის წისქვილს ვუხდიდი მინდად  
გულს და შენ იყავ იგი მემინდე...

ისევ მწყურია და ისევ მინდა  
ტალღები მღვრიე, ტალღები წმინდა...  
ამ წყურვილისთვის მოდი შემინდე...

გულმა წყურვილი ყოველთვის იცის...

1961

## გაგრის გახსენება თბილისში

ალიოშა არუთინოვს

ძმაო ალიოშა, მეგობარო ჩემო,  
მლაშე წყალი მოსვა მოწყურებულ მზემო,  
იმ მზის ახლოს წამო, მაღალ მთების ზემოთ.

მაგრამ... როგორ დავთმობთ ამ საზღაპრო ნაპირს,  
ქვიშამ ხარბად მოსვა ქარვისფერი ქაფი,  
ზღვისპირ დადგა ქალი მაისისფერ კაბით.

...გაგრა, მოქნეული შელის მშვენიერ ყელად  
შავ ზღვას შემოჰკვრია მზისფერ ცისარტყელად.

მაგნოლიის ფოთლებს ჰკვეთს მზის სხივთა სვეტი  
და ორთქლდება უცებ ჩეხურ ლუდის წვეთი.

როგორ ჩაგვიქროლა, როგორ გაჰქრა ის დღე...  
წამოქოჩრილ ზღვაზე თოლიები ისხდნენ.

სად წავიდა, მითხარ, შორს წასულო გემო,  
ის თაფლივით ბაგე და მარილის გემო...

რუსთაველზე ახლა ფრთას შლის შემოდგომა,  
გვხიბლავს მთაწმინდაზე მთვარის შემოდგომა.

შემოგვაკლდა წლები, მოიმატა დღემო,  
ძმაო ალიოშა, მეგობარო ჩემო.

სხვა ზღვის ტალღის ხმა რეკს, ეს ზღვა მართლაც სხვაა,  
ათასტერი ზღვაა, განა შავი ზღვაა.

შავო ზღვაო, ალბათ აღარც გაგონდებით,  
სხვა ზღვამ აგვიტაცა როგორც ნაფოტები.

და ჰაი, რომ უკვე მიეფარა ის დღე...  
წამოქოჩრილ ზღვაზე თოლიები ისხდნენ.

## მეგობარო ჩემო

ფრონტებგამოვლილი ძველი კაპიტანი,  
თმები შევერცხლილი, ნატყვიარი ტანი.

ალამბრებულ გულში მთელ ქვეყანას იტევს,  
— გამარჯობა, კოტე!  
— გაგიმარჯოს, ქიტეს!

ძველი მსახიობი და თამადა ჩვენი,  
ძარღვში სისხლის ნაცვლად უღვას ვაზის წვენი.

სახლში შეგიტყუებს, ყანწით შემოგიტევს,  
გაგიმარჯოს, კოტე!  
— იცოცხლეო, ქიტეს!

კოტე ხუნდაძეს და სიტყვა გაუხუნდეს? —  
ისეთს იტყვის, ძმაკაცს გული გაუხურდეს.

ამ ცხოვრების სცენას ნურც უჩანდეს კიდე!  
— გამარჯობა, კოტე!  
— გაგიმარჯოს, ქიტეს!

მეგობარო ჩემო, გვედგას ერთი გობი,  
მულამ კაპიტნობღე შრომით, ბრძოლით, ძმობით.

კაცი, გულის კაცი, სულ სიყვარულს მკიდეს!  
— გამარჯობა, კოტე!  
— გაგიმარჯოს, ჭიტეს!

1961

## ფოლადის ქალაქი

აი რუსთავი — მამულის ძალა,  
ცად რომ ჰქრის, მისი სუნთქვის ქარია,  
ჩვენი ქართული ფოლადის ქალაქს  
უყურებ, შესტრფი და გიხარია.

ახალ დიდების გახდნენ მოწმენი  
კავკასიონის თეთრი ქედები,  
ათასწლეული ახლა ოცნება, —  
ისმის ბუბუნნი მძლავრი ბრძმედების.

ავაგეთ ტრიალ ველზე ქალაქი,  
ცხრათვალა მზისკენ ფრთებშემართული  
და გადმოჩქეფდა როგორც არაგვი,  
ჩვენი დიდება — რვალი ქართული,

ვიყოთ ძლიერი, ვიყოთ მდიდარი! —  
ჩვენმა ეპოქამ ასე ინება, —  
ქართულ ფოლადის ცხელი მდინარე  
ქვეყნის ძარღვებში მიედინება.

მიდის, იქცევა დაზგად, ხომალდად,  
მზესთან შეტყორცნილ ციურ პლანეტად,



ჩვენი მარჯვენის მადლი რომ ადგას,  
რეკავს სამშობლოს ფარგლებს გარეთაც.

აი, რუსთავი — დიდება ჩვენი  
და სიჭაბუკე საქართველოსი,  
ცისტვის შეუდგამს მაღალი ბჭენი  
მაისის ფერად კაბით შემოსილს.

ჩაუქრობელი უნთია თვალი,  
კომუნიზმისკენ ფხიზლად მზირალი,  
აი, რუსთავი — ქართული რვალის  
დედა-ქალაქი გასაკვირალი.

აი, რუსთავი — მამულის ძალა,  
ცად რომ ჰქრის, მისი სუნთქვის ქარია,  
ჩვენი ქართული ფოლადის ქალაქს  
უყურებ, შესტრფი და გიხარია.

1961

## ვაჟას ბუხარი

შებუღებულან ჰერში ქალები  
(სადღაც არაგვთან ბრწყინავს ჩარგალი)  
და ელექტრონის ყაისნალები  
ლამეს ოქროსფერ ნაყშით ქარგავენ.

ოთახში ზღვა დგას, ზღვა სინათლისა,  
ლამის მინდორი მაინც მომიცდეს,  
ამომილამდა თვალი სანთლისფრად,  
ჩქარა, მკათათვე როდი მომიცდის...

ოთახში ზღვა დგას, ზღვა სინათლისა,  
სადღაც ლიცლიცებს შუქი ბუხრისა,  
გავხდი მონატრე მისი მკვებარტლისა,  
ერთი სახარე ვაჟას უღლისა.

ხმელი წიფელის ფიჩხი ტკრციალებს,  
თვალს აბრიალებს ბერი ლუხუმი,  
ცაში აპრილის ელვა ციალებს,  
მკერდზე გადამდის ტალღა გრუხუნით.

ელვაც ის არის, ტალღაც მქუხარი,  
რომ აქვს სიმაღლე მზესთან მბრწყინავ მთის

და ამენტება მისი ბუხარი,  
როგორც სათავე დიდი სინათლის.

შემაჯრიალებს, შემაცახცახებს  
რალაც მაგიურ ცეცხლის მფლობელი  
და ყველა ჭალზე ძლიერ ჩახჩახებს  
ვაქას ბუხარი ჩაუქრობელი.

1961

## კვლავ ფრთებს ისწორებს ხოხობი

ჰეი იმ სახობიქალას,  
ხოხბების ფრთებით მოლობილს,  
სახობიქალის ბოლოზე  
ამაყად ყივის ხოხობი.

ივრის გაღმა და გამოღმა  
დგას ყანის თეთრი კედლები,  
იმ კედლებს შიგნით დახტიან  
დასუქებული ქედნები.

აქ კი, ქუჩის პირ, კაკლის ქვეშ  
ზის ძია გიგო გულდინჯად,  
ჭაბუკებს — კუნთებს მკლავისას,  
ბაღებს ხმის კილოს უსინჯავს.

ეტყვის, ვინც თვალში მოუვა,  
— ხარ მონადირე ნამდვილი,  
გასწავლი თოფის სროლასაც,  
ჩემთან ჩამოდი ხვალ დილით.

თვით ძველი მონადირეა,  
რა სათქმელია ანდა ეს, —

ამ ჩვენი სოფლის გარეთაც  
კარგად იცნობენ ყანდარელს.

ყანწს რომ აღარებს კაი თოფს,  
წყალსაც კი ჭიქით არ დაღევს;  
უცნაურ ამბებს მოჰყვება,  
იტყვის და მსმენელს გადარევს.

იტყვის და წარბსაც არ დახრის  
გაკვირვებულთა ხმაურზე.  
ახლა მის გვერდით რომ იჯდეს,  
შერცხვება მიუნჰაუზენს.

— თავს გადავევლე ბებერკლდეს.  
ბოლი სდიოდა ორლულას...  
ჰეი, იმ სიჭაბუკესო...  
თქვა და თვალეზი მოლულა.

ერთხელ მეც თვალში მოუველ,  
ყანწებს მიგაედა კანჭები,  
უბეში როგორც ტყვიები  
მეყარა ივრის კენჭები.

ჩემივე ნაოსტატარი  
შურდული ყელზე მეკიდა,  
მიხმო, მუხლებზე დამისვა,  
წკიპურტი გამკრა ნეკითა.

გამიღიმა და დამლოცა,  
იყავი მონადირეო,  
შენი ბიჭობის ამბავი  
მოხუცსაც მომაწკდინეო.

...გავმტყუნდი, მომიტევებდე,  
უკვე ჩამქრალო ღიმილო...  
ვარ სიტყვას აღევნებული,  
ცერზე შემჯდარი მიმინო.

ვერც ტახი მოვკალ, ვერც დათვი,  
ვერც საღმე დავქერ ირემი,  
აი ეს ლექსი მოგართვი,  
როგორც რამ ნანადირევი.

საოცარ ამბებს ვერ ვყვები,  
გვერდით ვერ ვისხამ გოგო-ბიქს...  
სახოხბიჭალის ბოლოზე  
კვლავ ფრთებს ისწორებს ხოხობი.

## შენს ელვადქცეულ ღღეებს გავცემერი

დეკემბრის დღეა უკანასკნელი,  
ჩვენს გულს რომ ახალ შუქად დაერთო;  
მაგ შენს ბრწყინვალე, დიდ გზას გავცქერი,—  
გზა მშვიდობისა, სამოცდაერთო!

მიდიხარ, დროთა უღელტეხილის  
უკვდავ და მაღალ მწვერვალად სდგები,  
შენ დამიპურე ბალში ხეხილი,  
დამიდგი პურის მაღალი მთები!

„აღმოსავლეთის“ ზღაპრული ფრთებთა  
გასკერ კოსმოსის სივრცე უვალი,  
შენ თვით ვარსკვლავეთს შეუდგი მხრები,  
სამყაროს ელვად გადაუარე.

მზის სხივთა რიდით პირს რომ იბურავ,  
შენ უკვდავება დაგრჩა სახელად,  
იქვე პლანეტის მაღალ ტრიბუნად  
და კომუნიზმის გადასახედად.

შენს ელვად ქცეულ დღეებს გავცქერი,  
ჩემს გულს რომ ახალ შუქად დაერთო,  
დიდი მომავლის გზები გასჭერი, —  
გზა მშვიდობისა, სამოცდაერთო!

1961



## თაფლს ეზიდებიან თუთები

საგარეჯოში ბლები მოლეულა,  
თაფლს ეზიდებიან თუთები,  
ყოველ ხეს შეეხარი ღიმღიმორეული  
და ვესათუთები.

მზის თვალში ჩასმულან,  
დღის ძაფზე ასხმულან  
მწიფე თუთასავით საკენკი წუთები.  
გათქვირულ მარცვლებით —  
პაწია კასრებით  
თაფლს ეზიდებიან მიწიდან თუთები.  
დამაყრის ნამის

წვეთებს ცივცივებს,  
ფოთლების ტერრიდან მეძახის  
— ჭიტა!

ყველაზე მაღალ ტოტზე ჟივჟივებს  
ჩემი ბავშვობა — პატარა ჩიტი.  
ხეზე ასულა და ველარ ჩამოსულა,  
— მოგეშველები, პატარა ბიჭო,  
ჩამოდი, დაგცხება, დიდი მზე მოცურავს,  
ჩამოდი, გაქმევე თაფლიან ფიქას!  
არ ჩამოგიტყდეს ტოტი უეცრად,  
ვშიშობ, ჩამოდი, გაფიცებ სიცოცხლეს!..

ჩემს მზიას, ჩემს შვილს მისი ხმა თუ ესმა,  
და მისაშველებლად კენწორისკენ მიცოცაყს.  
მაგრამ ვინ დაგიდევს კენწერს და სიცხეებს,  
რომლის ლადარზეც კენჭიკ გალღევა,  
იწყებენ თამაშს და სიმღერას იწყებენ.  
ჩემი შვილი და ჩემი ბალღობა.  
ყურსაც არ უგდებენ ჩემს შიშს და ჩემს ძახილს,  
ტოტიდან ტოტზე კისკასით დახტიან.

..გულმკერდს უღელავენ ბალი და ვენახი  
ზაფხულს —

მზის რაშიანს

და სხივებლახტიანს.

ყოველ ხეს ცხელი ხელით რომ სინჯავს,  
მოჰყავს სიმწიფე — მეწველი ძროხა,  
ჩაცუცქებულა ივნისი დინჯად,  
წინ უდევს ბალი — პალიტრა ლურჯი,  
უელავს თვალი მწვანე და ჭროლა  
და მზის სხივების შეკრული ფუნჯით  
ვაშლებს მუქწითლად უღებავს ლოყას.



ლექსი ჭამანდას უნდა გიგავდეს,  
ვეფხისბწყლიანი მოგვე პოემა.

მე ისიცა მწყინს, ბოლოსდაბოლოს,  
რომ წერდნენ რითმით ცალმარცვლიანით,  
ყველა სტრიქონი უნდა ათრთოლოს  
რითმის ელვარე ზარმა წკრიალით.

ზოგზოგებმა კი ჩაუქრეთ ალი  
და ღრუბელივით ნესტით გაბერეთ,  
სითეთრე ეს ხომ ჭალარა არის,  
მარადჭაბუკ ლექსს რატომ აბერებთ?

რათ გააშავეთ რითჰა ფრთამთელი,  
ამ სილამაზეს ან რა გული თმობს...  
თუ გაგიგიათ, სადმე ქართველი  
კაცი მღეროდეს ლექსებს ურითმოს?

# თვითონ ზღვა ზღვებზე გაჭრილა შუქად

რუსთაველს — ხომალდს

ჩემს მაგიდაზე ბრუნავს მსოფლიო  
და გლობუსს თვალით დაეხაზავ შუქად, —  
შოთას ხმელეთი აღარ ჰყოფნია,  
თვითონ ზღვა ზღვებზე გაჭრილა შუქად.

კავკასიონის მთებზე ალესილ  
გულმკერდს მიაჩხევს დილისნაირად  
და დედამიწის ყველა მხარეში  
შედის ხომალდად, შუქად, ჰაერად.

...მე ფიქრით ხვალის დღეში წაველი:  
დავცქერ კოსმიურ ტრასათა რუკას,  
კოსმოდრომს სწყდება ხომალდი შუქად  
და აწერია მას:

— რუსთაველი.

1963

## დამსხვრეული ღუმელი

მზეზე ასხლეტილ ფერთა რიალით  
იმსხვრევა ბროლი — თეთრი ღუმელი,  
და ოთახს ავსებს ზარის წკრიალი  
და ენას იდგამს შავი ყურმილი.  
და შემოჰყვება თვალთა ბრიალით  
სადლაც დახლართულ ლითონის ზონარს,  
მაფორიაქებს და მაწრიალებს,  
თვალში თვალს მიყრის, ღიმილით მზომავს.  
შემოდის. ასე მოდის მზე დილით,  
ზის ფანჯარასთან მთვარე ღამლამით.  
ღიმილცბიერი, ხმადაწმენდილი  
შორეულ ნისლში თვალს ახამხამებს.  
მე ფიქრში ვხატავ მის თვალებს ვიწროს,  
ფხიზელი თვალი ჰქონიათ ფიქრებს,  
მე იმას უკვე სუნთქვითაც ვიცნობ,  
და გზად თუ შევხვდი, ვერ მიცნოს იქნებ.  
და გამთანგავენ და მატყვევებენ  
მისი შიშველი თეთრი ხელები,  
მისით ვივსები, როგორც ხეობა  
მთიდან დაძრული ზვავ-მეწყერებით.  
ო, დამსხვრეულო ჩემო ღუმელო,  
ვით გაგამთელო და მოგეფონო...

ბორგავს ოთახი როგორც ყურმილი  
და მე მიყვარს და მძულს ტელეფონი.  
შავი ზონარი — ობობას ქსელი,  
შიგ ჩემი გული — მსხვერპლი საბრალო...  
შორს ტყის ბილიკზე მოგოგავს შველი,  
მის გზას რომ ავცდე, ვის დავაბრალო...

1963

## ჩვენი საუკუნე

ზარებს უკვდავების  
მძლავრად აგუგუნებს  
მწვერვალად აზიდულთ  
ჩვენი საუკუნე.  
ჩვენი დიდი დროის  
ორბიტზე გავიდა  
შუქი — ავარდნილი  
კრემლის ვარსკვლავიდან.

სიბრძნე ლენინისა  
უკვდავ მზედ დაირწა,  
(თვით ნამდვილ მზეზედაც.  
მაღე ავიჭრებით),  
როგორც ელვა ელვას  
მიჰყვება წამი წამს,  
მოდის კომუნიზმი  
მძლავრი ნაბიჯებით,  
— ისმინე, დედამიწავ!

ცის თალი გაბურღეს  
მზერით ქალაქებმა,  
მოსკდა ნიაღვრებად.



მიწის ძუძუებს რძე,  
სამშობიაროებში  
შუქი არა ქრება.  
...ატომის ბომბებს სცდიდნენ  
შობის კუნძულებზე.

— იფხიზლე, დედამიწავ!  
ჩვენს დროში ბავშვებსაც  
არ სჯერათ ზღაპარი,  
ათეულ წლის საქმეს  
აკეთებს წამიცა,  
ღიმილით

ტკივილით,  
თაკარით

და ქარით  
მომავლის დიდ გზებზე  
გადის დედამიწა.

წვისა და ძიების  
ზარებს აგუგუნებს  
ჩვენი მღელვარე და  
ღიადი საუკუნე.  
მიჰყვება წამი წამს,  
ვერ ეტყვი: დამიცა...  
— უკვდავი მომავლისკენ  
იარე, დედამიწავ!

სამყაროს ხომალდს მისდევს  
ახალი ხომალდი,

ცაზე უხვად ჰყრია  
ვარსკვლავი — საფანტი,  
მომავლის კოსმოდრომზე  
ვდგავარ კოსმონავტის  
სკაფანდრით.

უარმყოფს, თუ არ მესმა  
იმისი ძახილი,  
გამრიყავს, თუკი კალამს  
წვერი გავულუნე,  
მომყივის, — შეპართული  
იყავი ჩახმახივით! —  
კომუნიზმის საუკუნე,  
კოსმოსის საუკუნე,  
ჩვენი საუკუნე.

მას ვუმღერ.  
ის ომშიც  
სისხლით მე დამიცავს,  
გულით ვესიტყვები  
ჩვენს დროს დადინჯებით,  
მუდამ ამშვენებდეს  
ეს ელვა ნეტავი ცას,  
მოდის კომუნიზმი  
დეგგმირულ ნაბიჯებით.  
— ამაღლდი, დედამიწავ!

## იქნება შენი სუნთქვაა

საფო მგელაძის წიგნზე მინაწერი

მინდა რომ სიტყვა შეგკადრო  
კრძალვით და გაუბედავად,  
ვიღაც თავს მადგას, შეძახის:  
— თამამად უთხარ, დედაა...

დედა ხარ, ადრე წასული,  
დაი ხარ, ჩვენთან მყოფელი,  
სიმღერებით რომ მოლიე  
ეს მოკლე წუთისოფელი,

ახლა წინიდან შეგვცქერის  
დროისგან გაუმკრთალები  
შენი მიმკრთალი ღიმილი,  
შენი უძირო თვალები.

ნამის თვლებს აუკიაფებს  
თბილისურ ვარდებს ნიაფი, —  
იქნება შენი სუნთქვაა,  
შენთა ბაგეთა შრიალი.

წამოდექ, მონატრებიხარ,  
შენი ღიმილი სწყურია

ემაგ შენს მაღალ ბახმაროს,  
ემაგ შენს ლამაზ გურიას.

სასალამურიე ლერწამი,  
მზემ ოქროს ნაყშით მოფეროს,  
დედაო, ადრე წასულო  
და მუდამ ჩვენთან მყოფელო.

1963

## წინ მიღევს შენი ლექსების ტომი

მე ფერფლი-ლა ვარ  
ცეცხლზე დამწვარ სალამურისა.

ი რ ო დ ი ო ნ ე ვ დ ო შ ვ ი ლ ი ს  
ერთ-ერთი უკანასკნელი ლექსიდან.

ვარდებს ასკდებათ თეთრი კაბები,  
ვაშლებს სიმწიფით დახრიათ რტონი,  
შევალ, ოთახში შევინაბები,  
მეძახის შენი ლექსების ტომი.

წინ მიღევს შენი ლექსების ტომი,  
მე შეგირდივით შენთან მოვედი;  
მზისაკენ ლტოლვა, წყვილიადთან ომი  
ხვედრი ყოფილა ხალხის პოეტის.

მიწას ეცვა მწუხრის თალხი,  
მკერდს ხორშაკი აცვიოდა,  
...შთაგონებით თარგმნი, ხალხი  
მღერის „ინტერნაციონალს“.

მგოსნის ჩანგი უხმობს გმირებს,  
ხალხი ჰლუნავს ღამის ბორკილს.

— მეგობრებო!..  
იზეპირებს  
ჯერ ისევ ყრმა მათაკოსკი.

— წინ, წინ გასწით! —  
ფრთაშესხმული  
ღროშა ზეცის ტატნობს ჰკოცნის,  
— ნუ შედრკება თქვენი გული! —  
ბრძოლაში ჰქუხს სიტყვა მგოსნის.

— ბრძოლა იყოს ჩვენი ლხინი! —  
იმეორებს მამაჩემიც.  
ხალხი იწვის ბრძოლის ქინით,  
ღამევ, როგორ გადარჩები..

ციმბირის გზები,  
ცივი საკანი,  
ლოდინი მზის და დარდი ალაზნის...  
ცას ფოთოლივით ქარი აქანებს,  
ცის ქანდარაზე მთვარე არა ზის —  
ეს ღამეული ოქროს ფრინველი.

ვიწრო საკანში კანკალებს ქრაქი,  
ფანქარს სტაცებენ სითბოს ხელები,  
ვიწრო საკანში შემოდის ქლეკი  
და ბოლთას არტყამს ხველებ-ხველებით,  
გულგამჭოლაფი თვალით მზირველი.

მერე გაიდრობს შეყინულ წულღებს,  
ქრაქს აქრობს ცივი და გამყინავი,  
მყიფე თითებით პოეტს მკერდს უღებს,  
შედის და იმის გულში ივანებს,  
სიკვდილის შავი ხატის მწირველი.

კაცი, მაისში დაბადებული,  
მთელი სიცოცხლე ებრძოდი ზამთარს.  
შენ ბრძოლა გქონდა დაბედებული  
უკუნ წყვდიადთან და პირქუშ ეამთან.  
მოჰკვდი და უკვდავ მებრძოლივით  
დატოვე ლექსი,  
დიდი დილის წინ ჩაიფერფლე  
ძალამიხდილი.

მჯერა: პოეტის დაბადება  
მაისის თვეში,  
ვით დავიჯერო  
მაისშივე მისი სიკვდილი!..

ცას მაისი ალამაზებს  
ოქროს ცვარით დანამული,  
ქარს გადმოაქვს ალაზანზე  
ფერფლი დამწვარ სალამურის.

გაუშლია მტკვარსაც მხრები —  
ვწუხდი, განა ვტირი: დიო...  
მადლობით და მოწიწებით  
შენ გიგონებ, იროდიონ.

დაიწვი და ნაპერწკლებად  
ხალხში დარჩა სიმღერები,  
მას არც ნავლი წაეყრება,  
არც მოკვდება სიბერეთი.

რიონზედაც

იორზედაც.

აუყრიათ ლერწმებს ტანი,  
შენგან ნანატრ დღეებს სკედავს  
ფრთაგაშლილი ამირანი.

1963



## მიწა ცას ზვერავს გაგარინივით

ჩემს თავზე ზეცის ბროლი ბრიალებს  
ვით კოსმონავტის სკაფანდრის მინა,  
შიგ ექვსი წყვილი თვალი ბრდღვიალებს  
და კაცის მძლავრი გონება ბრდღვინავს.

მიწას არ ყოფნის სიგრძე და განი,  
ცად გაქრის ფიქრი როდემდე ზიდოს,  
მან მისცა თვისი სიბრძნე გაგარინს,  
თვისი სიმძლავრე გადასცა ტიტოვს.

გუშინ უბრალო ქალმაც გაფანტა  
დედამიწაზე კოსმოსის მტვერი,  
მიწამ მოირგო ტანზე სკაფანდრა,  
მთვარესთან პირველ შეხვედრას ელის.

მოვა დღე და მზის მაგვარ ღიმილით  
კაცი თვით მარსის წყვდიადს გაფატრავს,  
მიწა ცას ზვერავს გაგარინივით,  
გაგარინი კვლავ იცვამს სკაფანდრას.

1963

## მდინარე ბაწარასთან

(პანკისის ხეობა)

მზე ჩაგორდა სულ ერთ წამში,  
ფრთას შლის ღამის მშვიდი დარი,  
დაბზრილდა მთების ჯამში  
მთვარის თეთრი თითისტარი.

დატრიალდა, დაიხვია  
წყალი ბაწრად დაკლაკნილი,  
თავის რცხილით, თავის ღვიით  
მთების ფიქრად დაგრაგნილი.

შენ გინატრე ახლა გულით...  
მოუმატა წყალმა ხივილს,  
იმის ქსელში გახლართული  
აფთართხალდა კალმახივით.

უმწიკვლო და უსიერი  
ტყე ჩაჰყვება დაბლა ხრამებს,  
თვალდაჰყეტილ ბუს იერით  
იბღვირება მთაში ღამე.

ხავსის ხალი გაუგია,  
მუხის ფესვზე უღევს მხარი,

ირმის ხმა თუ გაუგია,  
მორბის, ცრემლი მოსდის მარილს.

კარავს დავცემ აი აგერ,  
კარავია თუ სიზმარი,  
ცრემლს შეეუშრობ ცხელი ბაგით  
საირმე და საშვლე მარილს.

დილის ზარებს ჩამოვრეკავ,  
წყალზე ირმებს ჩამოვრეკავ.

წინ ირემი მიმიძღვება,  
მესხმის წყალი ასი კოკა,  
მარილივით გულიც ღნება,  
ვის ეძახის ასალოკად.∴

სადღაც ნედლი სტვირი სტირის,  
რომ სველ ბაგით ავილო მე,  
ირემივით გულიც ყვირის,  
მის ხმას როდის გიგონებ?!

## კალმახი და შეღამეზა

აქ, მთებში, ალაზანი სულ სხვანაირია,  
კალმახივით ხტის ტალღა ალაზნის,  
ჰაერში მწიფე შვინდის ფერი აირია,  
უცებ მოაკლდათ ცხელ ქვებს ძალა მზის.

ანკესი ამოვადე, მუხლებზე დავეშვი  
და ნანადირევს შევაგლე ხელი,  
ხელიდან გამისხლტა და შევარდა ჰაერში  
კალმახი, როგორც ისარი ჭრელი.

შევარდა, დავადევნე მზერა თვალმახვილი  
(თუ დაიოკებ კაცი წყურვილსა?)  
და უცებ დავინახე:  
მთაზე კალმახივით  
იწვა ვარსკვლავით დაწინწკლული ცა.

1963

## ღამე უშამთაში

ცაზე შემოუდგამთ ღვინით სავესე  
მთვარის რქა,  
მწვანედ ციმციმებენ ცივ-გომბორის  
გრილი სერები;  
ჰარიქა! —  
შემოსევთან უშამთას  
თელაველები, გურჯანელები,  
თბილისელები...  
მღერიან ენები —  
ქართული,  
რუსული,  
საზღვარგარეთული,  
უშამთა ვერ იჩივლებს მარტოობას,  
ბარბაცებენ კოცონთა სინათლეს შერთული  
დაქყეტილი თვალები ავტოების.  
ზარივით ჰაერში დაირხა ქარიშხლად, —  
მრავალჭამიერი  
გაფრენილი არწივის თუა ფრთა...  
თამადაა,  
ვარსკვლავიანი გულისპირი გაიხსნა  
და ალავერდთან  
ალავერდს გადადის უშამთა.

1963

## პარტიის მამას—ვლადიმერ ლენინს

გული მზითა და სიცოცხლით სუნთქავს,  
ამაღლდა ზეცა, გადიდნენ დღენი, —  
მარად დიდება მარადის უკვდავ  
პარტიის მამას — ვლადიმერ ლენინს!

ეს ჩვენი მიწა წიგნია ვრცელი,  
ვკითხულობთ არხებს — პოემის ბწყკარებს,  
პარტია — ჩვენი მშობელი ბრძენი  
აღებს ახალი ეპოქის კარებს.

უფრო მძლედ ღღერენ დღეს კურანტები,  
ქვეყნად სინათლის დიდი ზღვა ღელავს,  
ადიქ უმღერე მზეს გულანთებით,  
კომუნიზმი რომ ჰქვია სახელად.

შევხსენით ზეცის მაღალი ბქენი,  
მთვარისკენ ვკაფავთ გზას აღმართიანს,  
სიცოცხლე ჩვენი, სიმღერა ჩვენი —  
ჩვენს ბრძენ წინამძღოლს, ჩვენს დიდ პარტიას.

გავდეთ მომავლის მკვიდრი ხიდები,  
ამღერდა მიწა, გადიდნენ დღენი, —  
დღეს ერთხელ კიდევ ვეტყვით დიდებას  
პარტიის მამას—ვლადიმერ ლენინს!

## ზეთისხილის ხის გალადა

1.

სალამოს სიგრილე აფართქალდა  
მიწაზე ამოვარდნილ კალმახივით  
და დედა-თბილისის მალალ კართან  
მოდგა და უმატა მტკვარმა ხივილს. —

მზე ყანწით ბოლომდე შეუსვია,  
მხარზე დღის სიფიცხე შეუსვია,  
ათასი მერცხალი ააფრინა,  
ქუჩებს და პროსპექტებს შეუსია.

როგორც ცის მუქმწვანე აივანი,  
გაზაფხულის სუნთქვად მოვარდნილი,  
ტორტმანობს კომკავ მცრის ხეივანი  
ზღვა — შუქში შესული ხომალდივით.

ჩამოდაბლდა ზეცა ქორფლიანი,  
ვარსკვლავნი წამწამებს უმალ ხრიან,  
გადავცქერით ქალაქს მობრიალეს,  
სამნი ვართ, მესამე — სტუმარია.

გაცრიატდა ბინდის ბაცი ფერი,  
თბილისის შუქ-ხანძარი ზე მოიწევს,

ქიქაში ციაგობს რქაწითელი,  
ულადას ადლეგრძელებს ლეონიძე.

ალექსის პარნისი ილიმება  
(თვალში ჩავარდნია ნამის წვეთი),  
სიმღერა დაჭიმა მზის სიმებად,  
სხვა რა დარჩენია ამის მეტი...

არა, მას იმედიც ახლავს მუდამ,  
მზე მოვა, ამოუშრობს ნამის წვეთებს,  
მის გულში საბერძნეთი ახმაურდა,  
წყვედიადისთვის მას როგორ გაიმეტებს...

ის მისი შეილია, არწივია  
მისი ველ-მინდვრების, მთა-ხევეების,  
მის ძლიერ სხეულში კვლავ წივიან  
ტყვიის და ყუმბარის ნამსხვრევები.

ომის ქარდაკრული მასპინძელი  
სტუმრის დიდ ტკივილმა მიმიზიდა,  
თბილისში საბერძნეთს ვადლეგრძელებთ,  
საბერძნეთს გავყურებთ თბილისიდან.

## 2

კუნძული ჰქვია...  
უსვრია ზღვაში  
შფოთიან მიწას ლოდი ვეება...



მჯდარს ეგეოსის ლაფვარდის ყდაში  
შავი ფერები გასდევს შრეებად.

კუნძული ჰქვია...  
გულბოროტ ღმერთებს  
ზღვაზე დაუბამთ ის ბორკილებით...  
გადაჰლარვია ხიშტებით მკერდი  
და ღამეები ხრავენ კბილებით.

დგას მარტოდმარტო...  
ვეება უბე  
ამოუვსია მრუმიე საკნებით...  
ციხეთა კოშკებს — დევების შუბებს  
ღრუბლები სისხლის ცრემლებს აკმევენ.

ყეფენ ძაღლები...  
მეკიხოენეთა  
ჩექმის რკინები კედლებს კაწრავენ...  
იმ კედლებზე დრო ნელ-ნელ მოწვეთავს  
ზღვაში ჩაშლილი ნისლის ნაწნავით.

სისხლად მოწვეთავს...  
მზის მოაბჯრენი  
ჩაუმწყვდევიათ ოცი წლის წინათ...  
სულ პაწაწინა მიწის ნაჭერი  
უზარმაზარი ტკივილით გმინავს.

... რამ მოიყვანა აქ ზეთისხილი,  
როგორ მობედა მოსვლა სიმწვანემ...

სილაზე გდია ნიავე გრილი  
და ტალღას ლოკავს როგორც სიმწარეს.

შავი ქერიდან სითეთრე მოთოვს,  
ქაღარაა თუ ციაგი მთვარის...  
და ზეთისხილის პაწია ფოთოლს  
საკნის სარკმლიდან შენატრის თვალი.

ოცი წელია, ხეს დროემისას  
სცვივა დღეები, როგორც ფოთლები,  
ქვის ტახტზე ცვივა...  
მისდევს წამი წამს  
ცივ ჯურღმულებში უხმოდ მოფრენილს.

ოცი წელია, ნაპერწკლებს აჩენს  
გული, ოცნება რომ აგვირისტოს,  
ზეთისხილის ხის პაწია ნაქერს  
კაცი ახატავს ზეთისხილის რტოს.

ორმოცი დღეა ჩუმჩუმად ხატავს  
საღლაც ნაპოვნი რკინის ნატეხით,  
ძილს უფრთხობს ღუმილს — მთვლემარე კატას,  
მტკივან თითებში კივის მჩატე ხე.

მოხატა ციხის კედელი მუქი,  
გაწამებული კაცის სხეული,  
ვიწრო სარკმელში შეჭრილი შუქი  
და ბორკილები გადამსხვრეული.

ნაჭდევი გულის შუქით შემოსა,  
რკინის ნატეხი ცხელ გულზე ლესა  
და, როს სარკმელზე მტრედი შემოსვა,  
სული ჩაედგათ მტრედსაც და ხესაც.

ხე აიტაცა ფრთოსანმა ფრთებით,  
გადმოატარა ზღვები და მთები  
და ჩემს თბილისშიც ჩამოიტანა  
ამაყი სული ბერძენი ძმების.

და დაჰქრის, დაჰქრის ის უცხო მტრედი,  
თეთრ ფრთაზე სისხლის უელავს წვეთი.  
ნატყვიარ მკერდით,  
დაუხრელ ქედით  
იმ კუნძულივით დგას საბერძნეთი,  
მკერდზე ეხლება ავდარი მძაფრი  
და აკროპოლის მაღალი აფრით  
მიარღვევს ღამეს.

### 3

კომკავშირის მთას აყრია ნამი,  
ნამის სარკეში ვარსკვლავი ანცობს.  
ალექსის პარნის, გვითხარი რამე,  
ქართულ ოჯახის ნათლია კაცო.

არ გასვენებდა, მე ვიცი, წუხელ  
რითმა რითმაზე ტყვიად მიჯრილი,

შენ ხომ სამშობლოს სიცოცხლეს უმღერ,  
შენს სამშობლოში სიკვდილმისჯილი.

შენს სხეულში ხომ ნამსხვრევებია  
გაცივებულის უკვე ლითონის  
ამერიკულის,  
ინგლისურის

და გერმანულის...

თავზე მთვარე რომ დაგვჩერებია,  
რა გითხრა, ალბათ, იცი თვითონვე,  
მას ახლა შესცქერს შენი მამულიც.

მაშ კვლავ სთქვი რამე, როგორც ზღაპარი,  
შენი ხალხის და შენი მთაბარის,  
იმ ზეთისხილის ხის მომხატავის,  
თანამებრძოლის თუ წინაპარის.

მაშ სთქვი! გულმა რომ ცეცხლი არ ხარჯოს,  
მაწინ სიმღერას რა ეშველება?..  
იმ უცხო მტრედის ფრთას გაუმარჯოს,  
შენი მამულის დღის გათენებას!

მებრძოლი ხალხის ხმას გაუმარჯოს,  
უკვდავი სულის აგანგაშებას,  
გრიგალში განვლილ გზას გაუმარჯოს,  
მზის ნავსადგურში ლუზის ჩაშვებას!

## შავი არწივი

სამამულო ომის გმირი ბაგრატ

ვაშაგაშვილი

გულდანდობილო, ჰკვიანო,  
ქმარო, არ იეჰვიანო...  
არც კი უნახავს თვალითა  
ემავ ბარათის დამწერი,  
სიზმარივით რომ წაფიდა,  
როგორც ის წლები დამწველი.  
მამაცი ბიჭი იყო და  
ლამაზ ქალს შეეხმაურა...  
ლუკმას შენთან თუ იყოფდა,  
ხელწერაც თუ გეცნაურა...  
დე, ეგ ბარათი ცოლს ჰქონდეს,  
აგრემც გათბობდეს ყველა მზე!...  
ი ბიჭის ხსოვნა ცოცხლობდეს  
ემავ ციმბირულ კერაზეც.

პოლკში მოვიდა ბარათი,  
უცნობი ქალის ბარათი.  
(ოცი წლის მიღმა გადაადის  
სათავე ჩემი ბალადის)

კონვერტს წარწერა ანათებს,  
ვით თრთოლვა ცისარტყელასი:  
„ჩაბარდეს ესე ბარათი  
ვინც მამაცია ყველაზე!“

ბინდია დაფარა ველები,  
ტყვიებით გადახნულები,  
შტაბში შემოკრბნენ, მსჯელობენ  
დაღლილი მეთაურები.  
მაინც ვის მისცენ წერილი  
იმ ციმბირელი ლამაზის? —  
დუშმანზე ხმალმოღერილი  
პოლკში ბევრია მამაცი.  
ხან ეს ახსენეს, ხანაც ის,  
დიდხანს გაგრძელდა კამათი,  
ბოლოს შეთანხმდნენ: ჩაბარდეს  
შავ არწივს ესე ბარათი.

მართლა არწივი კი არა,  
ერთი შავტუხა ვაჟია  
შიგ შუა ცეცხლში ტრიალებს,  
ცეცხლივით უკაშკაშია.  
ვაჟი კი არა, ვაშაა,  
მტრის გულზე მეხად დაკრული,  
ვაშაგაშვილმა გაშალა  
ომში მარჯვენა ზღაპრული.  
და გადაარქვეს სახელი

და შავ არწივად მონათლეს  
ბევრი ბრძოლების მნახველი  
და ისევ ბრძოლის მონატრე.  
სთიბავს და სთიბავს ცელივით,  
მტერს ტყვია არ ამყოფინა.  
.... დღეს ვით გადასცენ წერილი, —  
ბიჭი მტრის ზურგში ყოფილა.  
გადის ერთი დღე, მეორე,  
მესამეც უკვე ღამდება,  
დარდი გაუჩნდათ მეომრებს,  
ბაგრატს რათ აგვიანდება...  
ჯერ გაუხსნელი წერილიც  
ბლინდაჟში დევს მოწყენილი.

საცაა მოვა რიქრაჟიც...  
უცებ გაფხიზლდა ბლინდაჟი,  
შუქად იფეთქა იმედმა,  
მთვარემ თვალები მოლულა, —  
მესამე ღამეს იმ ერთმა  
სამი მოენე მოლალა.

— შავო არწივო, ინებე,  
უსტარი თეთრი მტრედისა! —  
ეტყვიან, გაულიმებენ, —  
შემოგეყარა ბედი სად...

ლოყა უელავს ალისფრად;  
ემტვრევა გულის ფიცარი, —

მისთვის წერილი ქალისა  
იქნება პირველიც არი.  
მზე ჩასდგონია თვალეში,  
ტუჩს ღიმი გაენასკვება,  
პასუხს სწერს...

ვაჰ თუ ქალიშვილს  
წერილს სწერს უკანასკნელად.  
და უგრძეს ლიანდაგებზე  
მიჰქრის სამკუთხა ბარათი,  
გადივლის რძიან ბალებზე,  
ურალის ქედზე გადადის...

ჰოდა, კეთილო, ჰკვიანო,  
ქმარო არ იეჰვიანო.  
იყო მამაცი ბიჭი და  
შეეხმაურა ლამაზ ქალს...  
შენც ხომ მასავით გიჰირდა,  
შენც ხომ იბრძოდი მამაცად.  
მაშ ეგ ბარათი ცოლს ჰქონდეს,  
აგრემც გინათოს ყველა მზემ,  
ი ბიჭის ხსოვნა ცოცხლობდეს  
ემაგ ციმბირულ კერაზეც.



## ძახილი დიღეგებოდან

ხოზე დიასის საფლავთან,  
თბილისში,  
ვდგევარ და  
გხედავ, ესპანეთო!

ყვავილი დავარდა  
ნაპრალთან,  
შაეად სცრის,  
წითლად წვიმს,  
მწვანედ თოვს.

ზეცას მზე ლილივით შეაწყდა,—  
დღე ჩამოალამა რამ?..  
ყომრალ ცას თოლია შეაწყდა,—  
თუ ამოიგმინა ზღვამ...  
მთვარე კრავივით გარბის სერზე,  
ფეხი აუსხლტეს, ვაი თუ,  
ვაი თუ, ჩავარდეს ზღვაში...  
მთებზე — პირინეის მხარკისერზე —  
თვალშავი ყორანი ფრთას შლის.

ზღაპრებში ჩასძინებიათ საოცნებო  
ანდალუზიის გამჟვარვალე საღამოებს,

კარმენის თვალების გაოცებას,  
ყინვაში დაფერფლილ ყაყაჩოებს.  
ქარს შორს წაუღია ლამანჩელი  
რანდის კეთილი სიცილი,  
და როგორც სიკვდილის განაჩენი  
რეკს საპყრობილეთა სიცივე.  
ლამეს ჩიბუხივით  
გაუჩრია ხანძარი პირში,  
ზღვას შუქი ფსკერზე დაუძირია.  
ხიშტების ჩრდილში,  
ლულების ჩრდილში,  
სახრჩობელათა, ციხეთა ჩრდილში  
ზის და ნაჯახს ლესავს  
კაუდილიო.

ტრიალებს სიკვდილის წისქვილი,  
დგას თეთრი ძვლების მოშაო მტვერი.  
სიკვდილის მეწისქვილეს  
აცოფებს მზის სხივი,  
როგორც ხარს წითელი ფერი.  
ის ისმენს მრისხანე ნაბიჯებს,  
იმის ტახტს გრიგალი არხევს,  
ძილს უფრთხობს, აშინებს, აგიეებს  
ძლიერი ტორერო,  
      შკვდავი ტორერო —  
          ხალხი.

მე მის სიზამაცეს კვლავ ლექსით შევყვივი,  
მშობლიურ მიწა წყალს ჩაკრული,  
მახსოვს აღზევება ამ უკვდავ დღევგირის,  
იმისი ბრძოლები ზღაპრული.

ჩემი თაობისთვის ეს იყო სწორედ  
პირველი ცოცხალი ომის გაგონება,  
მოგვესმა ქვემეხთა გუგუნი შორი  
როგორც საოცარი რაღაც შთაგონება.

წითელ ყელსახვევებს დროშებად ვშლიდით,  
ცისარტყელას

მოქნეულ ხანჯალს ვადრიდით.  
იყო ზაფხულის თვალთხევი მშვიდი  
ჩვენი გრენადა და ჩვენი მადრიდი.  
მიყვირებდით ფაშისტებს მხნე გულით,  
ვუტევდით წყალშიც, მიწაზეც, ცაშიც,  
უკვე დიდი ხნის მივიწყებული  
ჩვენ ომობანას თამაში მაშინ  
ვისწავლეთ...

აღბათ გავდიოდით რეპეტიციას.  
ჩემს ბავშურ ოცნებას — ყვავილს მიწიანს  
მიაქროლებდა სადღაც გრიგალი,  
მადრიდის კედლებთან გამიღვიძნია  
და ასტურის მთებშიც ვიყავი.  
სანგრების სანთლებს ვინთებდი შუქად,  
ვისეტყვებოდი ტყვიების სეტყვით,  
ვემუდარებოდი გენერალ ლუკაჩს, —

შენს ბრიგადაში ჩამრიცხე მეთქი.  
გულზე დავემხე გარსია ლორკას—  
ესპანეთის გულს—დაკოდის უღვთოდ,  
მერე მაჯებზე ვიმტვრევდი ბორკილს  
და ჩემი სული დილეგში სწუხდა.

ვნახე: ესპანეთს, ვით გულს საკუთარს,  
დაადეს ხელი და ფიცი დადეს.  
ესპანეთს ჰხურავს შავი ცა ქუდად,  
იმ ცის ქვეშ მკაცრი აჩრდილი დადის.  
ის შავ წყვდიადში გზა-ბილიკს იგნებს,  
იგი აწყდება ციხეთა კარებს,  
ის ბორგავს თავის მამულის შიგნით,  
ის ბორგავს თავის სამშობლოს გარეთ.

მუშაც, პოეტიც დილეგში სხედან,  
დილეგში სხედან შვილიც და დედაც...

რამდენი ხანია,  
არ დაუდგამთ მიწაზე ფეხი,  
არ დავარდნია მათთვის მწიფე ნაყოფი ხეხილს,  
რამდენი ხანია  
არ სმენიათ შრიალი ხეთა,  
რამდენი ხანია,  
რამდენი ხანია, ნეტავ?!

არ გაუგიათ ჩვილის ლულუნი,  
დიდიხანია,  
წყაროს თქრიალი, ნამგლის წკრიალი,—

დიდიხანია,  
სტვენა ბულბულის, გუგუ გუგულის, —  
დიდიხანია,  
ჩარხის გრიალი ნაპერწყლიანი,  
დიდიხანია,  
წიგნის შრიალი, სტამბის გუგუნი  
არ გაუგიათ, დიდიხანია.  
გულისტოლისთვის ვეღარ უთქვამთ:  
„იო ტე კიერო!“\*

დიდიხანია,  
აქ ვერ ეტყევა შენი სუნთქვა,  
სულო ძლიერო,  
დიდიხანია...

ხელის გულზე არ მოუფშვინეტავთ  
პურის თავთავი,  
არ დაუკოცნიათ საოცნებო  
თვალეები შავშავი...  
არ დამთვრალან ვარსკვლავთა თილისმით,  
არ გაუგონიათ ხმა ქარის წისქვილის,  
არ დასველებულან დილის ცვრით,  
არ მოუჩრდილებიათ ხის ჩრდილი,  
რამდენი ხანია,  
რამდენი ხანია, ნეტავ?!

ყრუდ ბუბუნებენ ველები, ქედები,  
გულს აწევთ ციხეთა ჩრდილები რუხი,  
ესპანურად: მე შენ მიყვარხარ.

საპყრობილეებში სხედან პოეტები,  
ბორკილს ვერ ადებენ მათს ამაყ ქუხილს.  
სიტყვები ზარად ირეკებიან,  
ნაღვერდლები სცვივით დასისხლულ ქნარებს,  
ბურგოსის ციხის დილეგებიდან  
გადმოაქვთ ძახილი შორეულ ქარებს.

— ციხის ეზოში ხეტიალით

ვცვეთავ ფეხის გულებს,  
გამუდმებით სცემს ჩემი გული  
ამ კედლებს შიგნით.

მე ძუნწად ვითვლი მორბენალ დროს—  
წუთებს, საათებს,  
კვირებს, თვეებს, წლებს...

ისინი ხომ

ხურდავდებიან აქ უბრალო  
მონეტებივით.

მოხეტიალე პოეტი ვარ.

ყოველ ნაბიჯზე

მე ვხვდები მთელ ტყეს  
დაუხარჯავ, უთქმელ სიტყვების,  
ისინი არიან ადამიანები.

მხურვალე რწმენის,

უსასტიკეს ბედის და ტანჯვის  
ძმები, რომლებიც გამუდმებით  
ჩემთან არიან.

(ძალმიძს მათ ხელი დავუქნიო  
შორიდან მხოლოდ,

ანდა შემთხვევით შევხედო მხოლოდ).  
დროდადრო ციხის სინესტეში  
იელვებს ლექსი,  
ხან გარდაცვლილთა  
ხსოვნა ისე მოტივტივდება,  
როგორც ხომალდი ჩაძირული,  
რომ ჩემი სულის  
ნავსაყუდარში შევიდეს და  
ჩაუშვას ლუზა.  
ვცვეთავ ფეხსაცმელს,  
გულსაც, ხელებსაც,  
როს მსურს მივიღო მე პასუხი  
უგრძნობელ ლოდის —  
ქანდაკადქცეულ ჩემი თავის  
და ყრუ ღუმელის.  
ღრუბლები ბინდში ამზადებენ  
ქარის და სეტყვის  
ქვერეხებსა და  
მწველი თოვლის დანებს ლესავენ.  
მე უნდა წარბი შევკრა ავდრის  
ველურ ღრიალში,  
უნდა ვიცინო წვიმაშიაც,  
სეტყვაშიც, ქარშიც,  
სასტიკ ზამთარშიც,  
ჩემი ტანჯვის იმ სხვა ნაპირზე...  
ყოველ ნაბიჯზე  
თან დავათრევ მე მძიმე ბორკილს

და საპყრობილის კვადრატებზე  
დავხეტილობ...  
მუქ პერანგის ქვეშ  
ვგრძნობ სიცივეს და ჟანგს ჯავრისას,  
ვგრძნობ, როგორ წვება  
ყველა წუთი შუბლზე ლარებად.  
ამ სველ კედლებზე  
მე შორეულ ბავშვობას ვცვეთავ,  
ციხის ფილებზე —  
შორი ეზოს საყვარელ ფილებს,  
ცხაურზე —  
სათუთ, დავიწყებულ აივნის რიკულს.  
ამ ქვებზე ვცვეთავ  
სიცოცხლეს, მუხლებს, კბილებს და ხსოვნას.  
მხოლოდ ეს არის საოცრება! —  
ჩემთან კვლავ ისევ ის იმედია,  
მაშინ, როდესაც  
გამოვდივარ ციხის ეზოში,  
მე ვხვდები ჩემს გულს,  
ხელუხლებელს,  
ისეთს ვით უწინ...

პოეტ ნიკოლასს გულზე აწევს  
ბურგოსის კედელი  
და მისი გული,  
ბორკილებში ჩაუჭედელი,  
ბორკილდადებულ ესპანეთის



დიდ მკერდში ფეთქავს.  
იქ კი, მადრიდის საპრობილის  
ყრუ კედლებს ხეთქავს  
ქუხილი კარლოს ალვარეს კრუსის —  
ინტერნაციონალის გუგუნი ისმის, —  
სარკმელში — ზეცის პაწია ღრუში  
ფერმკრთალდებიან ღამე და ნისლი.

პოეტი მღერის!..

ჯერ ვერც ერთ ჯალათს  
ვერ გაუჭედავს ლექსის ბორკილი,  
ცხრაკლიტულებს ჰგლეჯს სიმღერის ძალა  
და უსასრულო გზებზე მოჰკივის.

პოეტებს ჰკლავენ!...

მაგრამ სიმღერა ვერ მოუკლავს

ჯერ ვერც ერთ ჯალათს...

პოეტებს ჰკლავენ...

სიმღერა რჩება,

გზებზე გადის და იქცევა ქარად,

ბალებად, ზვრებად,

ტყეებად, მთებად,

წვიმად და ღვარად,

ფარად და ხმალად.

პირქუშად დგანან დილეგები,  
ზღვაში მათი ჩრდილი ირეკლება.  
ყომრალ ცას თოლია შეაწყდა, —



1965

თოვლი შორს მთებში დასტოვა,  
შემოგრიალდა მზის ეტლით,  
სიცოცხლის შუქით დასთოვა  
თბილისი — ოქროს მთისებრი.

რუსთველზე მხრები გამართა,  
ამაღლდა როგორც მთაწმინდა,  
ლექსის სადავე წამართვა,  
თვით დიდ სიმღერად გაბრწყინდა.

პატარა ნანას ნაძვის ხით  
ოჯახში შემომიშუქდა,  
მზისფერი ღვინო დამისხა,  
ჩემი მამულის ხმით უკვდავს.

თავბრუ დამასხა, დამათრო,  
ინათა მზედ და წვიმადა,  
ერთი წელი თუ დამაკლო,  
ერთიც სხვა შემომიმატა.

გულს ახალ ღელვად მოენტო,  
ეს წიგნიც დამითარღლა,  
მითხრა: გახსოვდეს, პოეტო,  
დროის ყური და თვალი ხარ!..

მოვიდა, ნაპერწკლიანი  
მტკვარი სიმივით მომართა,  
მოვარდა, მოჰყვა გრიალი  
ახალ კოსმოსურ ხომალდთა.

მოვიდა ცამდე მალალი,  
რუსთველზე მხრები გამართა,  
როგორც სიმღერა ახალი  
ტარიელთა და თამართა.

ჩაგვითქვა ბევრი აკვანი,  
აკვნის მზე, აკვნის მრწეველი,  
ახალი ფუძე სახლკარი,  
სიხარულდაულიველი.

მოვიდა, მიწას ლალად წერს  
ლექსებად, ზერებად, ყანებად...  
ჩემი სიმღერა ახალ წელს  
და იმის შემობრძანებას!

1. I. 1965.

## შ ი შ ა ა რ ს ი

„რა ჩვენი საქმეა“	3
„(„მო, ყური უგდე“)	4
ფანდურები	5
გაფრთხილება	6
სამშობლოსათვის	7
„(„თასი უფრო მალა ასწით“)	9
ფრონტის მეგობარი	10
ვისლაზე	11
რამ მოგიყვანა	12
მსტოვარი	13
ზამთრის ჩანახატი	14
ბერლინისაკენ ვიჩქარი, ვუახლოვდები თბილისს	15
ვინა თქვა თეთრიაო თოვლი	16
ოდერიც გადავლახეთ	17
რა მათობდა	19
წყაროსპირ ვწევარ	20
ცის ახლოს პატარა სარკმელი	21
საქართველოვ, დაგიბრუნდი	23
ის საღამოები	24
„(„ცავე შეგხარი, მზეო, შეგტრფი“)	25
ძვირფასო	26
მშენებელი	27
.ეი, იორმა იორა	28
კაფია	29
ჩანჩქრებში ერთი წყაროა	30
ღია ბარათი ამერიკელ ოფიცერს	31
იხილეთ მიწის გაჭეილება	33

ექიმი	34
ადრეა	35
მთები ზღვასთან	36
რომ მივდივართ მხარდამხარ	37
ზღვა და ზაფხული	38
მაშ მითხარ	39
დალესტნური მოტივებიდან	40
ლიმილის საგზალი	43
საჩერქეზოში	45
სალამოს ტბასთან	46
—„— („ჰკითხე იმ ღამეს“)	48
სტრის მყინვარწვეერი	49
მთვარე საუახშმოდ წასულა	50
ფაჩუჩები	51
ჩემს ლექსებს	52
თოვლის გუნდა	54
ილიას ხილვა დარიალში	55
ოთხეულები	57
მაჩაბლის ქუჩა	59
გაზაფხული იბადებოდა	60
წითელი კაბა	62
სულხან საბა	65
ჩვენი პლანეტის პირველი ელჩი	68
შუადღე	69
გზის პირას ჰყვავის მინდვრის ყვავილი	71
ზაფხულია და ჭერ მკათათვე არ დამდგომია	73
იმ გზაზე შავი მაყვლები იცის	74
გაგრის გახსენება თბილისში	76
მეგობარო ჩემო	78
ფოლადის ქალაქი	80
ვაჟას ბუხარი	82
კვლავ ფრთებს ისწორებს ხოხობი	84
შენს ელვადქცეულ ღღეებს გავცქერი	87

თაფლს ეზიდებიან თუთები	89
მომრავლებულა თეთრი ლექსები	91
თვითონ ზღვა ზღვებზე გაკრილა შუქად	93
დამსხვრეული დუმილი	94
ჩვენი საუკუნე	96
იქნება შენი სუნთქვაა	99
წინ მიდევს შენი ლექსების ტომი	101
მიწა ცას ზვერავს გაგარინივით	105
მდინარე ბაწარასთან	106
კალმახი და შეღამება	108
ლამე შუამთაში	109
პარტიის მამას — ვლადიმერ ლენინს	110
ზეთისხილის ხის ბალადა	111
შავი არწივი	117
ძახილი დილეგებიდან	121
1965	131

---

Стихи

(На грузинском языке)

Издательство

«Сабчота Сакартвело»

Тбилиси, Марджანიшвили, 5

1965

რედაქტორი შ. ფონხიძე  
მხატვარი ა. სარჩიმელიძე  
მხატვრული რედაქტორი გ. ქუთათელაძე  
ტექნიკური რედაქტორი ე. აბლუშელიშვილი  
კორექტორი მ. კლდიაშვილი

ხელმოწერილია დასაბეჭდად 9/IV-65 წ.

ქაღალდის ზომა 70×108<sup>1</sup>/<sub>32</sub>.

ნაბეჭდი თაბახი 5,82.

საალრ.-საგამომც. თაბახი 3,45.

უე 00269.

ტირაჟი 1500.

შეკვ. № 217

ფასი 24 კაბ.

გამომცემლობა „საბჭოთა საქართველო“

თბილისი, მარჯანიშვილის ქ. 5.

---

მე-4 სტამბა, თბილისი, მედქალაქი  
Типография № 4, Тбилиси, Медгородок